

CONCILIORVM
SYNOPSIS,

PER
JOHANNEM PRIDEAUX,
haud ita pridem apud
OXONIENSES S. T.
Professorem REGIUM,
& Postea
Episcopum Wigorniensem.

Ὅτι ἐν τοῖς μέγα τοῖς δὲ.
Ἄλλ' ἐν τοῖς δὲ τὸ μέγα.



OXONIÆ,
Typis & Impensis LEONARDI LICHFIELD,
Academiae Typographi: Veneunt apud THO.
ROBINSON. A. D. 1651.

CONCILIOR



C A P. I.

De Synodis in genere.

1. **S**ynodographia dici potest, quæ conciliorum aliorumque conventuum Ecclesiasticorum synopsis ita methodicè ponat ob oculos, ut hëlitanti constet quid in quibusvis ex illis sit quærendum, & de inventis quid sit judicandum.

2. Concilium autem est liber, publicus, & Ecclesiasticus conventus Episcoporum præcipuè, aliorumque Doctorum à diversis Ecclesiis legitimè deputatorum ad examinandas, juxta scripturas, causas Ecclesiasticas, easque pro concessa potestate communibus suffragiis, sive per Canones in fidei dogmatibus, sive per diatyposes in agendi modis, sive per decreta constitutiones in disciplina, absque studio partium determinandas. Itaque

A 2

3. Co-

3. Cogenda non sunt 1. Ad lites Papales aut politicas dirimendas, quæ in Dietis, Parliamentis, aut Comitibus aptius componantur. 2. Nec Papæ est ista ex officio convocare; multo minus (nisi sit specialiter à convocatis electus) illis præsidere. 3. Nec alii, nisi Episcopi, aut alijs deputati à suis Ecclesijs, ferant decisivam in illis sententiam. 4. Nec sententia aliqua est admittenda ut ad salutem necessaria, nisi ex verbo Dei robur habeat & auctoritatem. 5. Nec rescindi debent publica decreta à privatis, qui per deputatos illis consenserunt: sed acquiescendum est, aut patiendum donec parilis solvat, quæ ligavit auctoritas.

4. Talia fuerunt & frequenter occurrunt

}	1. Judaica.
	2. Apostolica.
	3. Oecumenica.
	4. Controversa.
	5. Rejcta.
	6. Nationalia.
	7. Colloquia.

QUEST.

Q U Æ S T I O N E S.

- An
1. Concilia sint institutionis divinae, & simpliciter necessaria? N.
 2. Penes unum, aut certos aliquos Prælatos, Principesve, convocandi concilia resideat authoritas? N.
 3. Cogi debeant Concilia ad res politicas, aut controversias privatas determinandas? N.
 4. Prælati Ecclesiastici tantum habeant in iis suffragia decisiva? Aff.
 5. Sensus scripture controversus securus à Conciliis quam à privatis Doctoribus petatur? Aff.
 6. Conciliorum decreta contra apertum scripture textum aliquid valeant? N.
 7. Decretis Concilii sit acquiescendum, saltem non publicè resistendum, donec per dissentientium liberaverit authoritas?





CAP. II.

De Conciliis Judaicis.

1. **S**UB Conciliorum Judaicorum titulo hic non comprehendimus, vel 1. Sanedrim Gedolah ex Lxxi i Senatoribus conflatum, Num. 11. 24. vel 2. Sanedrim Katon ex 23 sedentium in portis consistorium, Deut. 16. 18. vel 3. tres Dijamin in minoribus oppidis litium diribitores conf. Matth. 5. 22. quia statuta ista fuerunt ad doctrinam, cultum, & disciplinam tam in republica quàm Ecclesia conservandum; sed conventus solenniores in extraordinariis negotiis ad aliquid statuendum, tollendum, aut reformandum, prout res tulerit.


2. Tales
observen-
tur fuisse
conventus.

1. Sicheniticus sub Josua & Eleazaro; de
1. Prohibenda cum gentibus societate.
2. de diis alienis exterminandis. 3. de of-
fibus Josephi sepeliendis in possessione
sua, ut ipse praeceperat. *Jos. 24.*
2. Hierosolymitanus primus sub Davide, as-
sistentibus Gad & Nathan; de 1. Levita-
rum recensione; 2. Sacerdotum per 24
classes partitione, & 3. de singulorum of-
ficiis 1 *Chron. 23.* quod restituit *Ezechias*
2 *Chron. 29. 25.*
3. Carmelitanus sub Ahab & Elia; ubi
1. Baalismus expenditur. 2. Cultus Jeho-
vz miraculose stabilitur. 3. Baalitz ul-
timo conficiuntur supplicio. 1 *Reg. 18.*
4. Hierosolymitanus II. sub Ezechia; de
1. Templo purgando, 2. Cultu ritè insti-
tuendo, juxta Davidis praescriptum, ubi
verisimile est aliquando fuisse decretum
de Salomonis proverbiiis transcribendis
juxta titulum cap. 25. 2 *Chron. 29.*
5. Hierosolymitanus III. sub Josia & Hel-
kia; in quo 1. Repurgatum erat tem-
plum. 2. Extirpata idololatria. & 3. Foe-
dus cum Domino renovatum, juxta li-
brum legis ab Helkia inter templi rudera
inventum 2 *Reg. 33.* 2 *Chron. 34.*
6. Hierosolymitanus IV. sub Zorobabel &
Ezra, ceterisque Judaeorum primoribus è
captivitate Babylonica reducibus; in quo
1. Disponuntur ab Ezra praecipue, prout
nunc habentur, libri canonici. 2. Adj-
ciuntur *pesukim*, *paraſchim*, & *Hepta-*
kim ad textus distinctionem, & lectionem.
3. *Maſorah* cum *Tikkum* sopherim pun-
ctis hebraicis, & ceteris apicibus ad lin-
guam

quam sanctam conservandam, & posteris transmittendam inchoatur, & promovetur. *Elias Levita præf. 3. Masor. Genebr. Chron. l. 2. pag. 183.*

7. Synodus quæ dicitur sapientum sub Johanne Hircano 1^o. de recipiendis Phariseis & Scribis cum eorum antesignanis Sammei & Hillel. 2. De damnandis Sadducæis cum ducibus eorum Sadoc & Bajeethos, qui eam ob causam ad Samaritanos se contulerunt, negantes animæ immortalitatem, & quodvis futuri seculi præmium. Ubi 3. quibusdam videtur libros, qui nobis sunt apocryphi, in canonem fuisse relatos per tertium Hebræorum canonem. *Genebrard. Chron. l. 2. pag. 197.*

QVÆST.




Q U Æ S T I O N E S.

1. *Cabale traditio injuncta fuit in Synoda Sichemica? D.*
 2. *Ex decreto Concilii, vel sponte parabole quedam Salomonis per famulos Hezechie erant conquisite, & transmissæ posteris? D.*
 3. *Masorah, & puncta Hebraica à Concilio 4^{to} Hierosolymitano mutuatur auctoritatem? videtur.*
 4. *Scripta, quæ habentur Apocrypha, ab aliqua Judeorum Synodo in Canonem fuerunt relata? Vid. Genebr. Chron. L. 2. p. 190 & 197. Non constat.*
 An 5. *Sadduceorum Epicurismus, aut Phariseorum superbia, & avara hypocrisis piis, & orthodoxis erat intolerabilior, aut Ecclesie perniciosior? D.*
 6. *Syraxis ista sub Ptolomæo Philometore de Templi Hierosolymitani, & Samaritani antiquitate apud Josephum Antiq. L. 13. c. 6. Synodis Judaicis commode à nonnullis accenseatur? N.*
 7. *Consultatio potius pro re nata, quam Concilium fuit Herodis ista Sacerdotum & Scribarum convocatio ad judicandum tantum locum, quo Christus nasceretur Matth. 2. ? Aff.*

B

CAP.






CAP. III.

De Conciliis Apostolicis.

11 **A**D Apostolica referantur Concilia quæ vel
 1. contra ipsos; vel 2. ab ipsis inveniantur ce-
 lebrata. Contra ipsos convenerunt (ut E-
 vangeliū, si fieri potuisset, quasi in tūis exstinguerent)
 1. *Annas Caiph. & Johannes, & Alexander* cum toto genimi-
 ne pontificali *Act. 4. 6.* & ordinaverunt ne in nomine
 Jesu omnino loquerentur, aut docerent *v. 18.* 2. Conve-
 nerunt iidem cum Sadducæis, ubi Apostolos ad lanienam
 destinatos liberavit Gamaliel ut flagris tantum & minis
 lancinati dmitterentur. *Act. 5.* Tertium istorum concili-
 abulum Stephanum ad lapidationem destinavit. *Act. 6. 12.*
 & 7. 59. Quarto sub Anania Conciliabulo Paulus erat
 colophizatus, & inter Phariseos & Sadducæos penè dis-
 cerptus. *Act. 23. 10.* Quintum coegisse dicitur Ananias
 junior, ubi Jacobus frater Domini cum quibusdam aliis
 morti adjudicatur. *Joseph. Antiq. L. 29. c. 8.*

2-Concilia



2. Conci-
lia ab Apo-
stolis cele-
brata no-
tantur vul-
go

1. De firrogatione *Matthie* in locum *Jude* proditoris. *Act. 1.*
2. De electione septem Diaconorum. *Act. 6.*
3. De lege ceremoniali non urgenda; cum ex gratia divina per solam fidem in Christum obtineatur justificatio *Act. 15.*
11. in quo exactum observetur insequentium Conciliorum directorium.
4. De toleratione legalium ad tempus, ut lucrarentur infirmiores tali *synagoga*, & *Synagoga* mater, honeste sepeliretur. *Act. 21. 18.*
5. In quo Symbolum quod dicitur Apostolicum à congregatis Apostolis, unoquoque suum articulum conferente, erat constatum.
6. Quod obtrusit Ecclesie canones 85 sub Apostolorum auctoritate, de quibus multifariam controversitur.
7. Antiochenum. ubi inter Canones novem, octavum Ethnicorum idola per substitutionem imaginum Christi eliminanda pręcipit, reliqui Canones pii sunt Synodali auctoritate destituti. Vid. *Bin. Tom. 1. p. 19. & Longum. p. 147.*

QUEST.

QVÆSTIONES.

Clemens S.
 Petri discipu-
 lus græce scri-
 psit.
 Dionysius exi-
 guus dicitur;
 Latio illos do-
 nasse. Longus.

An

1. Apostoli convenerint in aliqua Synodo ad Symbolum quod habemus conficiendum? D.
2. Canones qui circumferuntur Apostolici Apostolis perpe- ram ascribantur? A.
3. Constat de ipsorum auctore, auctoritate, aut numero? Vid. Joverium. p. 2. N.
4. Epitome constitutionum Apostolicarum in Creta reperta, & à Carolo Kapellico edita alicujus sit momenti? con- sule P. Crab. N.
5. Assumptio B. Virginis in conventu Apostolorum aliquo nitatur fundamento? N.
6. Concilium Antiochenum de probandis imaginibus sit prorsus imaginarium? A.
7. Plenarium istud Aët. 15. Apostolorum Concilium sit ex- emplar omnibus sequentibus Synodis imitandum? A.

CAP.





C A P. IV.

*De Conciliis Oecumenicis
approbatis.*

SECT. I.

De Oecumenicis Græcis sive
Orientalibus.

1. **O** Ecumenica seu generalia sunt Concilia, in quibus liberè coeant ex omnibus nationibus Episcopi, & docti ad res Ecclesiasticas juxta Dei verbum; & receptos Ecclesiæ Canones, pie, prudenter, & ordine, sine partium studio, expendendas & determinandas.

2. Talia autem sunt { 1. Græca sive Orientalia.
2. Latina sive Occidentalia,

B 3

3. E

3. E Græcis
numerantur ut
in ignora
- 1. Nicænum 1^m.
 - 2. Constantinopolitanum 1^m.
 - 3. Ephesenum 1^m.
 - 4. Chalcedonense.
 - 5. Constantinopolitanum 2^m.
 - 6. Constantinopolitanum 3^m.
 - 7. Nicenum 2^m.

A. D. 325. 4. Nicænum 1^m inde dicitur, quia in Nicæa Bithyniæ (ubi postea, ut hoc eluderent, Conciliabulum coegerunt Ariani) sub Constantini magni auspiciis, tempore Julii 1, & Silvestri P. P. erat celebratum. 2. Constabat Episcopis 318, præidente Hosio Cordubensi, assistentibus Potamone Hæracliensi, Paphnutio Thebaide ob Christi causam monoculis, una cum Paulo Neocæsariensi, qui propter eandem professionem manum ferro candente amputatam complicabat, & Eustachio Antiocheno, qui eleganti Imperatorem oratione nomine Concilii excepit, plurimisque aliis doctrina & miraculis inclarescentibus. 3. Canones ipsius 20 tantum (nec satis constat quâ certa fide) ad posterorum manus pervenerunt: forsan hoc evenit Ariatorum panurgia & potentia. Nonnulli plures obtrudunt per Jesuitas Turrianum, & Pisarium, hæc ita pridem ex cryptis Arabicis traductos, quos natatiorum non magni faciunt. 4. Tria ferunt in Synodo hac illustri præcipuè condemnata. 1. Hæresis Ariana filii cum patre coeternitatem, & divinitatem blasphemè oppugnans. 2. Asiaticorum de Paschatis celebratione more Judaico diffinitio ab Occidentalibus dissensus. 3. Unà cum Meletianorum & Novatianorum schismaticis rixis, quibus orthodoxis Episcopis perpetuas creabant molestias. 5. In hoc Concilio Imperator libellos Episcoporum invicem se lanciantium, ut inspectione indignos, Vulcano consecrat. 6. Philosopho cuidam jactabundo, & Christianismum petulantius persequenti, ab illiterati cujusdam congressu, blasphemum

blasphemum os obturatur. 7. In quo etiam, corlibatum cleri importunè urgentes alios, celebs *Paphnuius* ita repulit, ut in fumos abiit illorum incendium, durasse dicitur per triennium. Consulatur de eo *Gelasius Cycizenus*, cum *Sculetti analysi*. *Socrat hist.* l. 1. c. 8. *Ruff.* L. 10. c. 1. *Beff. de Concil.* L. 1 c. 5. & 13. *Hist. Tripart.* l. 1. c. 13. *Baron.* ad an. 325. n. 13. *Calvin. Instit.* l. 4 c. 7. ff. 1. *Camerar. hist. de Concil. Nicen.*

5. *Constantinopolitanum* 1^m sub *Gratiano*, & *Theodosio magno*, & *Damaso* 1: ex 150 coaluit Episcopis. 2. In eo quis præsidebat, præter *Cyrium Hierosolymitanum*, non constat. 3. *Macedonium* Episcopum *Constantinopolitanum* Spiritus Sancti deitatem perfide impugnantem condemnarunt, & exautorarunt, unà cum *Maximo Cynico* propter indisciplinationis ejus doctrinam ut habetur *can. 6.* *Canones* ejus *Caranza* exhibet tantum 7. *Lingus* 9, quos omnes præter 1^m de fide *Nicena* recipienda, & hæreticis proscribendis *Romana* respuit *Ecclesia*. 5. Confessiones omnes, præter illam *Homausianorum* quam retinent hodierna liturgica sub symboli *Niceni* nomine, Imperator discerpsit. V. Hanc à *Gregorio Nazianzeno* ad Synodi mentem concinnatam esse creditur. 7. Huic verba [filioq;] quæ astruunt S.S. à patre & filio processionem à *Benedicto* 7^o addita esse cognoscuntur, quod *Leones* 1 & 3. ipsius antecessores facere non fuerunt ausi. *Longus* ex *Lombard.* 1. *Sent. D.* 11. *Bonavent.* & alii. *Theodoret. hist.* L. 5. c. 6. & 10.

A.D. 383.

En quantum tribuit Romana Concilii Oecumenicis.

Addunt pro arbitrato.

6. *Ephesium* 1^m sub *Theodosio* juniore, promovente *Celestino* 18, feliciter coivit. 2. In hoc 200 Episcopi *Nestorium* condemnarunt *Constantinopolitanum*, unà cum *Carsio* Sycophantico ipsius presbytero, qui pro duabus in Christo naturis personas obtulit diversas, adeoque B. Virginem *Χριστοκος* tantum non *Θεοκος* contendebat nominandam. 3. Præses hic tantum invenitur *Cyrius Alexandrinus*, quem piè & fraternè invitantem ad Saniorum sensum superciliosè contempsit *Nestorium*, & pellesto sub-

A.D. 434.

dole

dolè in partes *Johanne Antiocheno*, eum una cùm Concilio anathematizante reciprocè anathematizavit. 4. Ad Imperatorem re delata, & penitèd intellecta, absolvitur cum suis *Cyrellus*, & cùm obructantibus in exilium pellitur *Nestorius* in *Oasin Lybie* fabulosam, ubi ut *Cain* alter fluctuans huc illuc, & blasphemans, tandem lingua vermibus corrosa, extremum emisit haticum. 5. Concilii hujus circumferuntur duo exemplaria; primum 8, secundum 13 exhibens canones, qui *Cyrelli* anathematismis comprehenduntur. 6. A. *Theodoreto* isti vellicantur, sed à *Cyrello* ab objectis liberantur. 7. *Massilianæ*, qui & *Euchitæ*, & *Embusiastæ* audiunt, ab hoc transfigantur cœtu, & fidei *Nicænæ* confirmatur integritas. Vid. *Liberatum in Breviar.* cap. 11. sq; *Evag. hist. L. 2. c. 2. & sq.*

A. D. 451.

7. *Chalcedonense* sequitur in *Bithynia* per Imperatorem *Martianum* ex 630 conflatu Episcopis, qui eidem cum conjugè *Pulcheria* interfuit, contra *Eutychetem Archimandritam Constantinopolitanum*, & *Dioscorum Alexandrinum* ipsius hyperaspisten, damnabatque acta Concilii *Ephefinæ* *ANSELM.* 2. Asturbant autem isti unicam tantum in Christo post incarnationem, eamque divinam fuisse, naturam. 3. De Prælide istius Concilii præter Imperatorem, & Judices moderantes (qui non nominantur) nil certi constat: partium stud'io inter *Leonem 1^m Romanum*, & *Anatholium Constantinopolitanum* Patriarcham negotia plerunq; disceptantur & transfigantur. 4. Actiones juxta *Carranzam* (quam se fiores alii appellant) numerantur in eo sedecem, quibus subnectuntur canones 29. 5. Hos (nec quicquid quod illorum obstat ambitioni, ac si totus mundus erat conditus ad ipsorum obsequium) nullatenus probant Latini, quia post discessum Legatorum *Leonis*, *Paschasini Lilybetani*, *Lucentii Asculani* &c. à Græcis sancitis præcipuè illum non ferunt canonem de privilegiorum paritate, propter sedem Imperialem à *Constantinopolitanis* æquè ac *Romanis* vindicatam, unde *Leo rugit Romanus* & frendent catuli, ac si primatus potius, quam fidei synce-
ritas,

ritas, Concilii esset scopus palmaris. hinc Remanensis quod placet tantum probant in Conciliis, quod displicet abrogant; ut Conciliorum correctores, non corrigendi, qui id agunt talibus venturiis, ut omnes procidant, & adorent bestiam. 6. *Dioscorum* iuste hic exauctoratum receperunt nihilominus *Africani*, & *Abyssini* tantum non in Sanctorum album referunt. 7. *Theodoret* Cyri Episcopi (qui *Cyrilli Alexandrini* in *Nestorii* gratiam perstrinxisset anathematismos) admittitur palinodia, & sedi suæ restituitur, qui postea orthodoxis suis scriptis benè meritus est de Ecclesia.

8. *Constantinopolitanum* 2dum sub *Justiniano* 1mo Episcopos 165 numerat, præside *Mene*, vel potius ipsius successore *Eutychio Constantinopolitano Patriarcha*. *Vigilius* autem Papa (qui *Constantinopolim* ad citationem Imperatoris venisset) Concilio tamen noluit interesse, ne *Eutychio* cedere in primatus sui præjudicium videretur. 2. Id agebat Imperator, ut *Eutychianos* & *Orthodoxos* uniret in publicam tranquillitatem: ideoque tria capitula de condemnatione *Theodori Mopsuesteni*, epistolæ *Ibæ* ad *Marim Persam*, & *Theodoret* adversus *Cyrillum* anathematizatum revocari voluit: Sed 3. obstabant constanter occidentales cum Papa *Vigilio*, confirmaveruntque non tantum præcedentium Conciliorum trium, sed & omnia *Chalcedonensis* decreta hæreses & hæreticos istos anathematizantia. 4. Adjecto etiam in *Origenis* errores deleterio, quibus aut Christi divinitas, aut corporum negatur resurrectio, aut astringitur reproborum aut diabolorum restitutio (quos *Sociniani* hodiè ab *Orco* revocant) 5. *Petrus* etiam *Antiochenus*, qui contendebat crucifixum trifagii hymno esse addendum; & *Antimius Constantinopolitanus* *Eutychetis* partes una cum Imperatrice *Theodora* & aliis gnaviger promoventibus, eadem, cum aliis nonnullis, censura innodantur. 6. Prostant huius Concilii collationes octo, & Canones live anathematismi quatuordecem. 7. Lectu digna hic occurrunt Epistola *Felici* Papa ad *Petrum Antiochenum*

nichenum monitoria; & fidei expositio secundum (ut dicitur) revelationem Gregorii Neo-Cæsariensis apud *Carran-
zam*. Consule de hac Synodo *Zonar.* in vit. *Justiniani*.
*Niceph. L. 17. c. 37. Gregor. L. 1. Ep. 24. Evagr. l. 4. c. 34. Li-
berat. in Breviar. c. 23, & 24.* quem cautè legendum mo-
net *Bellar. de Ecclesia L. 1. o. 5.* quia ad *Romanensium* salivam
non sapit:

A.D. 680.

9. *Constantinopolitanum III.* sub *Constantino Pogona-
to*, promovente Papa *Agathone*, per missos à se legatos
coaluit. 2. Convenerunt in eo Episcopi 150 (qui enim
279, vel 289 hic recensent, Romanos absentes, & alibi
consentientes accensent) Huic Præsidentem se præbuit ipse
Imperator præsens, & non Papæ deputatus. 3. Condem-
nantur hic *Monothelitæ*, *Sergius*, *Cyrus*, *Pyrrhus*, *Petrus*, *Paul-
lus*, *Theodorus* unà cùm Papa *Honorio*; qui ad *Eutychianis-
mum* palliandum unicam tantùm contendebant in-
Christo esse voluntatem. Ad hoc probandum adducit
Macarius præcipuus istorum coriphæus supposititia libro-
rum exemplaria, vel castrata & interpolata; & delirus se-
nex *Polychronius*, ex suscitacione cujusdam mortui, cona-
tus est ridiculè hæresin suam stabilire. 4. Actionibus ab-
solviqur 18, in quibus totius processus Synodalis luculenta
traditur enarratio; ubi actionis 3^æ *Agathonis* Papæ, & 11^æ
Sophronis Patriarchæ dignissimè lectu sunt Epistolæ. 5. Ca-
nones 102, qui vulgo huic annectuntur Concilio, non ab
eo fuerunt sanciti; sed à Patribus 227 post annos circiter
27 sub *Justiniano 2^{do}* in *Trullo* (hoc est in peristilio palatii
Imperatorii testudinato) erant additi; unde *Trullani* vul-
go audiunt: nec à *Romanensibus* (in primis propter dam-
natum Papam *Honorium*; & communicata æqualia Patri-
archæ *Constantinopolitæ*, cum Papa privilegia) omni-
modo probantur; subscripsit tamen ipsis cum Imperato-
re, & Patribus 227, *Santissimus* Papa Romanus ut habetur
Canone ultimo, & recipiunt alii apud *Joverium*. 6. Ni-
hilominus, quò magis fidem hisce omnibus derogent re-
centiores Papicolæ, sub *medietate*, seu *qualescunque* titulo
referunt.

referunt hos canones in supplementum hujus, & 6^a Synodi, quibus Canones defuere; quos ideo non tanti faciunt Latini, quia à Græcis post discessum illorum emanarunt. 7. Confirmat hoc Concilium non præcedentium tantum generalium, sed particularium, utpote Antiochenæ, Laodicensæ, aliarumq; Synodorum, canones. Quia & addit quæ probanda sunt in scriptis Patrum orthodoxis ut patet can. hujus 2^{do}. Vid. *Paulum Diacon. in vit. Constant.* 4. *Adonem Viennensem, Bedam, & alios cum Iover.* ejusdem Concilii propugnaculo, quo adversantium sex rationes contra illud diluit Universal. Synod. classe 1^a. p. 69.

10. Nicenum II sub Constantino Irones imagines, & statuas, cum reliquiis à Leone Isaur & Constantino Copronymo ipsius avo, & abavo contractas, & dissipatas, in integrum restituit; promoventibus præcipue negotium Gregorio 2^o, & 3^o una cum Adriano 1^o, & Constantinopolitano Patriarcho Tarasio. 2. Ab hoc dissidio imaginario arrepta erat à Papis ansa Occidentales subducendi à debita, & jurata Græcis Imperatoribus subjectione, & imperium Occidentale à Græcis ad Francos transferendi. 3. Confluxerunt ad hoc Concilium Episcopi 350, qui sub Præcide (ut videtur) Tarasio Actionibus 7. & 22 Canonibus iconoclastas, ut hæreticos, perstrinxerunt: quorum argumenta falsè repetit, & elidit *Calvinus Inst. L. 1. c. 1. §. 14.* firmant tamen Patriarcha Germanus, cum Iohanne Damascene, cujus manum amputatam, ob imaginum defensionem, ab imagine B. Virginis prædicant esse restitutam: ut & miracula edita à sanguine lacinati crucifixi apud Berithos ad conversionem malitiosè vulnerantium. 4. Præter prolixam inter Gregorium & Epiphanium Act. 6^a. annexam de imaginibus, & eorum cultu velitationem, interspergantur nonnulla de Angelorum corporeitate, & traditionibus non scriptis scripturæ æquandis, de imaginum salutationibus, & cultu & cultura quæ à recentioribus non probantur. Illud laudandum quòd acta præcedentium sex

A.D. 781.

Conciliorum rata esse, & grata decernunt. 5. Latriam interim Deo tantum reservant contra *Halensem*, *Aquina-*
tem, *Bonaventuram*, & recentiores illorum asseclas, qui e-
 undem honorem imagini, & exemplari: hoc est latri-
 am Christo, hyperdulian B. Virgini, & dulian Sancto-
 rum decernunt imaginibus. 6. *Bellarminus* & *Baronius*
 existimant hanc Synodum à Patribus Concilii *Franckfor-*
diensis sub *Carolo Magno* fuisse condemnatam, sed masculè
 se illis opponunt *Binius*, *Surius*, & alii apud *Longum*. p.
 632. Jamdudum antea 7. *Albertus Pighius* hanc Syno-
 dum cum superiori transfixisset, ut adulterinam, quem
 refellere conatur *Turrianus Iesuita*, quàm dextrè le-
 ctiores videant. Hujus Concilii dicitur hoc esse disti-
 chon.

Id Deus est quod imago docet, sed non Deus ipse;
 Hanc videas, sed mente colas, quod cernis in ipsa.

Hujus habes apud *Binium* duo exemplaria, Græco Lat-
 inum unum, alterum Latinum, quæ, ad placitum, ubi va-
 cat, conferas.

QVÆST



Q U A E S T I O N E S.

- An
1. De Concilio Nicæno i tempore, antea præfide,
Convocatorum numero, & canonum, rebus in eo gestis &
determinatis, editione incorrupta & authentica aliquid
certò constet?
 2. Concilii i Constantinopolitani canones à Romanensibus
merito rejiciantur?
 3. Symbolum quod ibidem habetur Nicænum à Gregorio
Naziânzæno fuit concinnatum, & rectè postea cum ad-
ditamento [Filioq.] à Benedicto 7^{mo} promulgatum?
 4. Canones Chalkedonensis Concilii iure à Papicolis ex-
auctorantur?
 5. Origenes meruerit Concilii Constantinopolitani tam di-
rectum anathema?
 6. Papa Honorius rectè à Concilio Constantinopolitano 3^o
pro Monothelita fuerit condemnatus?
 7. Nicænum Concilium 2^{um} à Francofurtensi evidenter sa-
tis sit reprobatum? Asserit Bell, negat Bin.



CAP. V.

De Conciliis Oecumenicis Latinis.

SECT. II.

1. **G**Ræcis five Orientalibus totidem Latina & Occidentalija parallela statuantur Concilia.

- | | | |
|-------------|---|---------------------------------|
| | } | 1. Ariminense. |
| | | 2. Laterana. |
| | | 3. Lugdunensia. |
| 2. Scilicet | | 4. Vicennense. |
| | | 5. Florentinum. |
| | | 6. Lateranense 5 ^m . |
| | | 7. Tridentinum. |

A.D. 359. 3. *Ariminense* Concilium duplex esse observetur: 1^o legitimum & orthodoxum, de quo hic agitur; alterum hæreticum & Tyrannicum, quod subdole coactum fuit ab *Arianis* & titulo *Ariminensis* insignitum, ut spurium illud hoc genuinum extingueret. 2. 400 in hoc conveniunt Episcopi, de Præside non constat. Imperator *Constantius Arianus* sumptus suppeditare proposuit, sed renuerunt Episcopi, de victoria magis in hæreticos, quam de victu solliciti, qui coegissent tunc temporis *Constantia* aliud Conciliabulum, quod *genuinum Ariminense* quovis modo irritaret. 3. Determinarunt tamen Synodi

Vid. Longum
p. 266.

nodis hujus Patres numerosiores & cultiores. 1. fidem *Nicēnam* usque ad apicem esse tenendam, & *quodammodo* esse asserendam. 2. *Sirmienfis* Synodi decreta esse explodenda. 3. *Ursacium*, & *Valentem* cum asseclis suis *Arianis* Ecclesiæ communione esse privandos. 4. Qui paulo antea per libellum apud Papam *Julium* Arianismo renuntiassent, nunc vero ut canes ad vomitum rediissent. 5. Ejecti sic, Imperatorem nimis infectum ita confectis officiis demulcerunt, ut, conducto in *Nica Thraciæ* conciliabulo sub titulo confessionis *Nicæ* formulam fidei ad suas rationes dedolatam cuderunt, & ita nominis homonymia incautiores inescarunt. 5. Quin & eò progressi sunt, ut vi in ipsorum sententiam Episcopos reluctantes cogerent; Ipsamque Pontificem Romanum *Liberium* in partes suas pertraxerunt, ut *Athanasii* condemnationi subscriberet: quem quomodo purgat *Bellarminus* vid. de *Pomif. Rom. L. 4. c. 9.* 6. Prætextus hic sophisticus hæreticorum est observandus, qui consubstantialitatem sublatam volebant è Symbolo ut vocabulum scripturæ ignotum, & capiti populari minus accommodum, ut ipsi tali stratagemate fidem *Nicēnam* converterent. Quare 7. *Ariminenses* hi orthodoxi, in *Arianos*, vibratis anathematibus, illud stabiliunt quod monet *Longus Bellarminus* non animadvertisse, dum unam tantum Synodum *Ariminensem*, eamque reprobantem astruit; cum aliter ex *Athanasio* de Synodis. *Ambros. Epistola 32.* ipsoque *Baronio An. 359. n. 49. & seq.* potuit informari.

Vid. Præolumin V. Valentini.

4. *Laterana* 4^a prima sub eodem titulo comprehenduntur, ut Papales potius rixas, quam doctrinam & disciplinam Ecclesiæ respicientia. 1^a sub *Henrico 5^o*, & *Calisto 2^o*. Episcopos 300 (vel juxta *Bellarminum* 900) Canones vero 22 numerat. 2. *Bardinus Anti-papa* in hoc deponitur. 3. Investituræ per annulum & baculum Imperatori adimuntur, & Pontifici conceduntur. 4. Pontifex absolvit Imperatorem, & electiones Episcoporum Germanicorum illi indulget. 5. Decernuntur cruciatæ in bellum *Saracenicum*. Quibus 6. bellum illud gerentibus efficitur

A.D. 1123.

efficitur indulgentia peccatorum, & familiis ipsorum impetratus. 7. Apud *Loverium* & *Garanzam* hoc non occurrit, & *Bellarminus* non extare fatetur: tam sedulos se præsiterunt pontifices Conciliorum Generalium scriniarios.

A.D. 1131.

II. Sub *Loibario* Imperatore, & *Innocentio* 2^o mille circiter Episcopos accumulatur. 2. Canones exhibet 30. è *Gratiano* & *Vaticana* Bibliotheca nuper editos, quos non extare asseruit *Bellarminus*. 3. *Petrum Leonis* sedem usurpantem Papalem sub *Anacleti* 2^{di} titulo exautorat. 4. *Petrum* de *Bruis*, & *Arnaldum* de *Brixia* *Petri Abailardi* discipulum pædobaptismum, Ecclesiarum fabricas, & crucis venerationem improbant, hæreticorum notat stigmatibus. 5. Sacrilegos istos esse laicos, & periculum æternæ damnationis incurrere, qui decimas recipiunt, pronuntiat. 6. Torneamenta sive hastiludia interdicit, in quibus vitæ periclitatur iactura. Et 7. Fœneratores, præcipuè clericos, Christiana privat sepultura, & Orco devovet. III.

A.D. 1179.

Sub *Frederico* 1^o, & *Alexandro* 3^o, 300 Episcoporum consensu schisma tollit inter *Alexandrum* hunc, & *Qüavianum* quendam, & ipsius successores *Gindoneu*, & *Iohannem* à *Germanis* adversus illum succollatos, quod *Europam* in partes distraxerit. 2. *Albingenses* sub nominibus *Catharorum*, *Publicanorum*, & *Paterinorum* à *Waldensibus* ortum ducentes hic damnantur. 3. Nec ferulam hic evadit *Magister Sententiarum Lombardus*, qui Christum, secundum quod homo, non esse aliquid docuisset, sed *Willielmo Senanensi* Episcopo castigandus traditur. 4. Ordinationes à schismaticis factæ penitus abrogantur. 5. Leprosis deputantur separata Oratoria, & sacerdotes. 6. Modus communicandi Archiepiscoporum & Episcoporum in vocationibus præscribitur, & Decanis, ut non exerceant jurisdictionem Episcopalem. 7. Canones 27 huic destinantur Concilio, sed qui distinctim nusquam occurrunt, verum apud *Math. Parisensem* conglobantur, & laudantur. IV. Sub *Frederico* 2^o, & *Innocentio* 3^o, 400 Episcopis & 80 aliis Patribus, imò 1283 Patribus, è quibus 673 erant Episcopi,

A.D. 1215.

pi inquit *Bellarminus*, majora moliebatur. 2. *Joachimi* Abbatis librum de Trinitate contra *P. Lombardum* explodit; *Almarici* damnat 20 insanias, præcipuè negatam transubstantiationem. 3. Transubstantiationem, absolutionem Papalem subditorum à juramenti erga superiores vinculo, & confessionem auricularem statuminat. 4. Juramentum exigit à secularibus potestatibus, ut hæreticos à Papa designatos è finibus suis arceant. 5. Cruciatos ad terram sanctam sub *Gothofredo Bolione* recuperandam indulgentiis, & promissis extimulat. 6. Beneficiorum pluralitatem, & reliquias vanales perstringit. 6. Capitula hujus extant 69 vel 70 à *Longo* breviter contracta; qui ad ampliora volumina lectorem remittit.

5. *Lugdunensis* sequuntur 2^o Concilia, 1^m sub *Frederico* 2^{do} ab *Innocentio* 4^o, coagmentatum. 2. In hoc magnanimus & pius Imperator de Ecclesia Christiana adversus infideles optimè meritis, post 4^m ad minus excommunicationem, à Papa propria autoritate deponitur, & interdictum ut nullus illum de cætero Imperatorem nominaret. 3. Depositus jus suum heroicè defendit, unà cum *Gibellinis* suis contra *Guelphos* papizantes. 4. Præles hic non expectandus præter Papam, qui, sub prætextu terram sanctam recuperandi, 140 Episcopos & Abbates in suas partes traxerat, ut per quintas Ecclesiarum reddituum Orientem redimerent, dum Occidens à Papali tyrannide esset potiùs liberandus. 5. Ubi galerus interim coccineus Cardinalibus designatur, Festa nova instituuntur in Sanctorum Papalium apothecis inter tot cruenta, per an. 200 & ultra grassantia ex hoc facinore Antichristiano, incendia. 6. *Dominicani*, *Franciscani*, *Carmelitæ* & *Augustiniani* per Papam hunc præcipuè animati non adimunt, sed addunt potius ut patentius schisma evaderet. 7. Quæ huic Concilio ascribuntur 17 institutiones politicæ potius sunt, vel polemicæ, quàm Ecclesiasticæ; à Sexto decretalium, dirigente *Bellarmino*. petendæ. Acta habentur apud *Abbatem Stadiensem*, & *Trithemium in Chroni-*

A.D. 1273. *cis, Palmerium Platinam, Onuphrium, & alios. II. Hic celebratum Concilium sub Rodolpho 1^o Hassburgensi, Gregorio 2^o procurante, 700 ad minimum ostendit Episcopos. 2. Interfuit Michael Paleologus Imperator Græcus, qui necessitate coactus Græcos induxit suos, ut processui S. S. à Patre Filioque jam 13^a vice cùm Latinis subscriberent; quod redeuntes in patriam, more suo revocarunt: tam parùm valet in sacris coacta fides. 3. Aquinas vocatus ad hoc Concilium moritur in itinere, Bonaventura in eo creatus Cardinalis post egregiè navatam operam contra Græcos ultimum ibidem emisit Spiritum. 4. Papa pro subsidio terræ sanctæ per sexennium proventuum omnium Ecclesiasticorum requirit decimas, quæ studiosè collectæ vix hilum oppressis Orientalibus contulerunt. 5. Dецernitur hic ad nomen Jesu genusflexio. 6. Constitutiones hujus prostant 31, quæ Papæ potius habeantur placita, quàm Concilii sanctiones. Ideoque 7. Omittuntur à Summistis ut petendæ etiam è sexto Decretalium. Bell.*

A.D. 1311.

6. *Viennense Concilium sub Henrico 7^o Imperatore, & Clemente 5^o, congregatum 300 & amplius Episcopos extulit. In hoc 1. Bonifacius 8^{us} à Philippo Pulchro, ut dederetur à diptycis expetitus, liberatur ab objectis disteriis. 2. Expeditio Hierosolymitana acriùs urgetur, sublatis è medio Templariis, qui per an. ferè 184 Templum muni-
vissent, ob interfectum Abyssinorum Legatum, & alia facinora & hæreses. Rem acu tangit Tribemius, fuerunt Templarii valde divites, quod satis erat ad hæresin & exterminium. 3. Juramentum fidelitatis, non subjectionis, com-
ceditur à Clericis, Magistratibus laicis esse præstandum. 4. Petrus Joannis, Dulcinista, Fratricelli, Begwardi & Begwi-
ne unà cùm Lolardis condemnantur. Petrus Joannis quia animam negaverit esse hominis forinam; quod durum est carbone hæretico notare. Cæteris etiam (utcunque nullo modo ferendis) impinguntur fictitiæ. 5. In lata Clementis sententiâ de Templariis apud Longum, non assumit
sibi*

Antonin. hist.
par. 3. Tit. 11.
c. 3.

Pag. 831.

sibi Papa potestatem de jure definiendi, sed viam provi-
sionis, seu ordinandi, ut nullus ordinem istum posita in-
traret, sed bona ejectionum Apostolicæ sedis ordinationi
subjacerent. 6. Concilii hujus constitutiones sub nomi-
ne *Clementinarum* extant 5 libr. ad juris Canonici com-
plementum. 7. In quibus est celebre illud decretum de
Professoribus constituendis, & commodo stipendio co-
honestandis, qui in Curia Romana, & Academiis *Parisiensi*,
Oxonienti, *Bononiensi*, & *Salamantica* Hebraicam, Arabicam,
& Chaldaeam docerent linguam, ut ex sic instructis Ju-
dæi & Mahumetani ad fidem dexterius converterentur. *Cle-*
ment. l. 5. Tit. 1. Gag. l. 7.

7. Florentinum Concilium *Ferariæ* erat inchoatum sub A.D. 1434.
Alberto Imperante, & *Eugenio* 4^o: Sed ob grassantem pe-
stem *Florentiæ* translatum, & finitum. 2. Convenerunt in
eo 141 Episcopi sub ipso Papa Præside, qui depositus à
Concilio *Basileensi*, eodem tempore apud *Germanos* cele-
brato hoc diverticulo satis astuto, à rigidis istis censori-
bus se exemit. 3. Interfuit huic Concilio *Johannes Paleo-*
logus cum Patriarcha *Josepho*, & Græcis Doctoribus. 4. Dis-
ceptati sunt in eo articuli, de 1. processione S. S. 2. de
additamento symbolo *Niceno* [Filioq;] 3. de purgatorio,
4. virtute Suffragtorum, & oblationum pro mortuis.
5. De transubstantiatione. 6. De azymo in Eucharistia
adhibendo. 7. Sed præcipue de agnoscendo Papæ supre-
matu: in quibus omnibus dicuntur Græci cum Latinis
consensisse, utcumque in patriam reduces haud multo po-
stea resilierunt. 4. Id pietatis & prudentiæ erat Papalis,
ut Imperator ipse cum suis, ipsius Sanctitati, & Cardina-
libus in dispositis sedilibus loco cederent. 5. *Josepho* Pa-
triarcha, absq; morbo prævio, subito post subscriptionem
expirante, invenitur tamen sub ejus manu schedula, in
qua testatur cùm Latinis plenarium ipsius consensum:
6. Sessiones habuit hoc Concilium 25; sedecem *Ferariæ*,
reliquas 9 *Florentiæ*: in quibus tulerunt de Græcis *Salma-*
cida, ut loquuntur, spolia: optandum fuisset ut plus syn-

ceritas, & minus valuisset ὁπὸς δυνάμει, & phalerata ambitio. 7. Institutio *Armenorum*, quæ huic Concilio à *Carranza* & *Longo* attexitur, omittitur ab aliis, & Papalis tantum erat post finitum Concilium factus, ut patet ex temporum collatione.

A.D. 5112.
Incipit an. 5112
Julio 2.

Finis an. 5117
sub Leone X.

8. *Lateranense* 5^m Concilium rectè dicatur coactum ad *Piscinam* (quod Cardinales nonnulli contra Pontificem perjurum congregassent) evacuandum. 1. Conveniunt in eo 114 Episcopi sub *Maximiliano* 1^o Imp. & *Julio* 2^o Papa Præside. 2. Sessiones complectitur 12; è quibus 5 sub *Julio*, reliquæ 7 (à *Leone* 10 post obitum ipsius in cathedram Papalem evecto) erant consummatæ. 3. Ad sessionem 9 totidem appenduntur canones de curiæ (ut prætexitur) *Romane* reformatione; sed parùm ad rem fuerunt, nec pluris estimati, quàm totius Concilii censuræ: quas *Suarez*, *Cajetanus*, *Navarrus* non receptas esse profitentur. 4. Pragmatica Sanctio, in Concilio *Basiliensi* adversus Papales usurpationes pro libertate Ecclesiastica concinnata, expenditur hic, & exploditur. 5. Montes pietatis commodè hic etiam stabiliuntur, unde quasi ex gazaphylacio publico pauperes indigi, artifices, aut virgines alias indotatæ petant subsidium. 6. Astruitur ulterius animæ immortalitas, de qua plurimi tunc temporis dubitabant, alii vel procacitè disceptabant, vel diabolice eam negabant: unde injungitur Scholarchis. Academicis, ut orthodoxum hæc de articulis speciatim contra tales grassantes philosophastrorum atheismos inculcarent doctrinam. 7. Nec liberum relinquitur Prædicantibus ut scripturam torqueant pro vertigine, ad dogmata inaudita disseminanda, sed inter terminos à majoribus fixos, quantum fieri potuit, se continerent: quibus modus additur de libris imprimendis, ne quis absque Doctorum examine, quid libuerit, mundo obtruderit.

9. Concilium *Tridentinum* sub *Carolo* 5^o, & *Ferdinando* 1^o, *Pauli* 3, *Julii* 3, & *Pii* 4. sollicitudines per an. 18 exercuit.

2. Sub *Paulo* 3, post multas ambages, de 1. Scriptura.
2. Pec-


2. Peccato originali. 3. Justificatione. 4. Sacramentis in genere. 5. Baptismo. 6. Translatione Concilii. 7. Cùm interjectis de reformatione decretis 10 sessionibus, prout visum est, dictarunt Patres, adjectis anathematum tonitruis. 3. Reducit *Iulius 3* à *Bononiæ* portu classem totam in Tridentinum alveum: ubi 1. de Eucharistia, 2. Pœnitentia, & 3. Extrema unctione, interspersis reformationis quibusdam sesamis, eadem methodo sessionibus alijs conficitur negotium. 4. *Pius 4* (sublati è medio duobus istis Antesignanis) scenam demùm ingreditur, & 1. de communione Laicorum sub una specie. 2. Missæ sacrificio. 3. Ordinis Sacramento. 4. Matrimonio. 5. Purgatorio, veneratione reliquiarum, invocatione Sanctorum, & imaginibus. 6. Indulgentiis, ciborum delictu, jejuniis, & festis. 7. Indice librorum, Breviario, & Missali sessionibus postremis nonis expectatû ponit colophonem. 5. Præfuerunt his sessionibus 25 Papæ per suos delegatos. conceduntur hic etiam Protestantibus 3 salvi conductus, sed eo artificio ut liberum esset illis sine periculo adesse Concilio, & rationes sui dissensus proponere; sed ut instituerentur tantùm, ceu à dictatoribus aut Magistris, non ut aliquid reformandum impetrarent. 6. Urgent & expectantes communionem sub utraque specie seculares Principes per Oratores transmittunt tandem ad scrinium Papalis pectoris, cui etiam relinquitur vulgaris editionis, Catechismi, Breviarii, Missalium, aliarumq; sordium, prout ipsius infallibilitati visum fuerit, expurgatio: abusus interim 21, à delegatis juratis à *Paulo 3^o* observati, & Papæ delati sicco pede transeuntur, & silentio corriguntur. 7. Unde Concilium, tot acclamationibus ebuccinatum, & sub anulo Piscatoris tam sollemniter firmatum, non admisit *Galli*, nec magni fecerunt doctiores è Pontificiis: aliqui Refutarunt, *Kennisius*, *Gentiletus*, *Calvinus* ex parte. Historiam ejusdem edidit *P. Suavius Venerus*, technas aperit *Gallus*, à *D. L.* anglicè redditus. Orat. in eo habitæ

uno prostant volumine, è quibus pateat non ad lites componendas, sed ad Christianis imponendum conductos, & seductos fuisse tot doctos à Pontificibus, in hoc ultimo ab illis probato Oecumenico Concilio.

Q U Æ S T I O N E S.

- An {
1. *Ariminense 1^m merito habeatur pro Oecumenico, & probando Concilio?* Aff. Longus sum. Concil. p. 266.
 2. *Concilii 4^{ti} Lateranensis decreta, quæ circumferuntur, sint ancipitis fidei?* Aff. Widrington. Rejoynder p. 368.
 3. *Græci in 2^o Concilio Lugdunensi, ut postea in Florentino, coacti potius quàm liberè, & bona fide, Latinorum subscripserunt placitis?*
 4. *Vienensis Concilii Clementina indubitato habeantur pro jure canonico?*
 5. *Instructio Armenorum inter Acta Concilii Florentini sint reputanda?*
 6. *Pragmatica sanctio à Concilio 5^o Lateranensi licitè fuerit abrogata?*
 7. *Concilium Tridentinum sit Christianismi, & Christianorum Principum sacrum ludibrium?*

CAP.





CAP. VI.

De Conciliis controversis.

1. **C**ontroversa statuuntur Concilia, cujusmodi *Fel-*
larminus partim approbata, partim reprobata;
 peculiari digere classe: quæ si inter libros
 obtineret distinctio, cur non *Alcoranum Turcicum* sub eo ti-
 tulo inter fastos Christianorum locum non inveniret?
 Hinc revera patet Concilium nihil aliud esse, quam ma-
 chinam Papalẽ, qua attrahit vel repellit in Ecclesiasticis,
 quicquid ipsi visum fuit; & utitur non ad Ecclesiæ com-
 modum, sed sub religionis suffragantium larvâ ad cathe-
 dram suam stabiliendam. Videndum est interim quo-
 modo se habent hic Sacerdotum vestigia in cineribus *Daniel*.
 sparso pavimento.

- | | | |
|-------------------------------|----------------------------|--|
| | 1. Constantinopolitanum 4. | |
| | 2. Sardicense. | |
| 2. Controversa | 3. Syrminense. | |
| igitur hic habeantur Concilia | 4. Quinisextum. | |
| | 5. Francfortense. | |
| | 6. Constantiense. | |
| | 7. Basileense. | |

Bell. de Eccle-
sia L. 1. c. 7.

3. Constantinopolitanum 4 sub *Basilio* Imperatori A. D. 870.
 cida *Græco*, & *Adriano* 2^{do} (reluctante Imperatore *Roma*-*Vid. Jov. er.*
 no) sedem Papalem usurpante; è 102 Episcopis coaluit. p. 110.

2 Hu-

2. Hujus præcipuum erat negotium, ut exauctoretur Doctissimus Græcorum Patriarcha *Photius*, qui *μωελὸς βελον* reliquit posteris: eò quòd scripto quodam aculeato Papalem pupugisset tyrannidem, imaginibus erat infestior, & cathedram *Ignatio* debitam, quæ *Romanensium* malleis erat ductilior, non canonico assensu occupasset. quicquid fuerit citatur, contumeliis afficitur, ejicitur, & pœnitentiæ epitimio omnes ipsius symmiste & sequaces, satis pro Legatorum *Romanensium* imperio, multantur. 3. Actionibus quibus hæc tranfiguntur 9. canones 27 annectuntur: in quibus, præter amentata in *Photianos* spicula; & imaginibus collata honoraria, laudandum illud 16 canonis; quod interdicit Sacerdotum indumenta vel lusus causa in dramaticis esse usurpanda. 4. *Bulgari*, recens ad fidem conversi, quærent in hoc Concilio utri Ecclesiæ, Græcæ potius an *Romane* se adjungerent; sed quid factum parcè indicant. *Romanenses*, non tacituri Papalis magnitudinis incrementum. 5. Illud constat *Adrianum* Legatos Imperatoris usurpantis fretos patrocínio tam superciliosè in *Photium*, & *Græcos* Episcopos se gessisse, ut redeuntes illos ad Dominum *Slavi* invadunt, exuunt omnibus bonis, & Concilii exemplar authenticum, quod habuit Imperatoris & omnium consentientium autographa, ab illis eripiunt. Reliquiæ igitur hujus quæ 6. Exhibentur, *Anastasio* debentur Bibliothecario, qui gestis & decretis interfuit, & quod vidit & observavit posteris transmisit: quibus *Andr. Schottus* Jesuita in *Prefat. Bibl. Photii* plurimum lucis attulit. 7. *Græci* nihilominus hanc Synodum non recipiunt, quin ad *Bell.* omnia hic ut incerta statuit, & suppositicia: non defunt siquidem qui *Photium*, quem depositum hoc ab *Adriano* legimus, à *Johanne* 8. hoc est Papa *Ioruna* ipsius successore restitutum fuisse astruunt; unde constat nec *Græcos* cum *Romanis*, nec *Romanenses* inter se, de hujus Synodi actis aut authoritate, satis convenire.

A. D. 351.

4. *Sardicense*, sub *Constantio*, & *Iulio* Papa, dicitur esse celebratum

celebratum. 2. In eo numerantur Episcopi 376; è quibus 300 Occidentales confirmarunt fidem *Nicanam*, & id ex-
erunt, ut *Athanasius* qui per triennium *Roma* exulerat, ad
sedem suam *Alexandrinam* restitueretur: reliqui 76 *Aria-*
ni Philippolim concedentes sub *Sardensis* Concilii titulo
Arianismum stabiliverunt. 3. Præsidis hic nulla fit men-
tio nisi *Hosii Cordubensis*, qui, absque legatis Papalibus,
cum *Gaudentio* & aliis piis Episcopis canones 21 Sanxe-
runt. 4. Vulgo dicitur Concilii *Niceni* I. appendix; in
cujus canonibus de suprematu Papæ, aut eum à transma-
rinis Ecclesiis appellatione (ut vult ex *Baronio* prolixo
Longue) ne gry quidem occurrit. 5. Non hoc, sed Con-
cilium *Philippoli* ab *Arianis*; sub hujus habitum nomine
perstringit *Augustinus*, & qui sub æquivocatione seducun-
tur. 6. Fertur *Arium* quendam orthodoxum huic Conci-
lio interfuisse, conversum (ut putatur) *Lothicæ* ab *A-*
thanasio. 7. Copiosè hujus Synodi historiam describit ex
Socrate, *Sozomeno*, historia Tripartita, *Binius*: in quo tres
isti canones 3. 4. & 5. qui appellationes probant ad Pon-
tificem Romanum, non necessarias illas statuunt, sed ar-
bitrarias, nec obligant Episcopos in universum, sed sub-
ditos tantum ipsius Patriarchatui.

5. *Syrminenſe*, ſive *Syrmienſe*, ſub *Conſtantii* tyrannide A. D. 356.
Arianæ ita tremuit, & ingemuit, ut *Liberii* Papæ ſuprema-
tus, aut præſidentia ne oculos audebat atrollere. 2. In-
terfuiffe dicuntur, præter Orientales, 300 & ampliùs Oc-
cidentales Episcopi ad cauſam *Photini* audiendam, & de-
terminandam; qui conqueſtus eſt apud Imperatorem ſe
in *Sardicenſi* Synodo injuſtè fuiſſe condemnatum. quid
patraſſet? prædicafſet nimirum Chriſtum nudum tan-
tùm fuiſſe hominem, & matri minorenem: quod *Soci-*
nianorum eſt ſententia. 3. Adverſus hanc ſubleſtam hære-
ſin, confeſſionem adeo ſubdolè compoſuit græcè *Marcus*
Aretuſius, ut probare eam non dubitarint *Hilarius*, & *Li-*
berius: quippe quod verbis non manifeſtavit, quam fo-
rebat hæreſin; forſan cùm *Urfacio* & *Valente*, qui alteram
E
ſubjece-

De Rom. Pont.
lib. L. 4. c. 9.

subjecerunt Latinam non verbo tantum consubstantialitatis carentem, sed eandem prorsus oppugnantem. 4. Miserum est hic legere *Hosium*, propè centenarium, flagris fuisse coactum, ut, post tot triumphatos *Homousianorum* hostes, Arianismo subscriberet; damnare tamen noluit *Athanasium*, & ante obitum pientissima palinodia lapsus expiavit. 5. *Liberium* Papalis infallibilitas ab eodem lapsu non praestitit liberum; quanquam illum dextrè excusat *Bellarminus*. 6. Hujus Concilii, seu Conciliabuli (inquit *Longus*) præter 3 fidei formulas, quæ apud *Biniuum* reperiuntur, nihil extat: At extare docet 26 anathematismos, quos unà cum confessione orthodoxa protulit *Caranza*, quod *Longum* non potuit latere. 7. Uberius explicant hanc Synodum *Socrates* L. 1. c. 24. & sq. *Sozomenus* L. 4. c. 5. & 6. *Epiph. heres.* 7.

A. D. 692.

6. *Quinisextum* (ut à *Balsamone* nominatur) Concilium erratica est, *Bede* & plurimis Latinis, Synodus. 2. Sub *Justiniano* 2^o, & *Sergio* Papa, qui in ea convenère Patres, quoniam 5^{ta} & 6^{ta}, quæ præcessissent, Synodi de moribus nil præcepissent, aut disciplina Ecclesiastica, æquissimum censuerunt ut suppleretur iste defectus: ideoque canones sanxerunt 102 in Palatii Imperialis *Trullo*; qui *Trullani* inde nominantur. 3. Hos Latini non recipiunt, qui, ipsi insciis, absque ipsorum consensu, Pontificis præsertim plenipotentia, editos fuisse indignantur: sed acrius pungit illud, quòd canone 36 æquatur *Constantinopolitanus* Romano Patriarchæ, & permittuntur ean. 13. Cleris conjugia, aliæque nonnulla quæ ad salivam Romanam non faciunt. 4. Constat interim *Gregorium* 2^m, & *Adrianum* cum Synodo *Nicena* 2^a, canonem *Trullanum*, contra *iconoclastas*, vibrare: quinetiam & Synodum hanc à *Nicenis* illis receptam tradit *Gratianus* dist. 16. c. 5. sed *Gratianus* dicunt cespitasse, & citasse alios non ut in se authenticum, sed ab adversariis pro tali habitum. 5. *Bellarminus* quinque argumentis hos canones *Trullanos* nullius esse roboris contendit de Pontif. Rom. L. 2. c. 18. quia nec generalis

ralis fuerunt Concilii, absque Papæ autoritate, & Synodi particulares universim absentes ut præsentēs non obligant. Non expectandū igitur ut Tridentina decreta Protestantes obligarent. 6. Addit *Lengus ex Anastasio* P. 589. Bibliothecario nec receptos eos fuisse à cæteris Patriarchis, sed habitos esse indignos, qui exscriberentur, & archivis reponerentur. mirum igitur est cujus ductu ad nos pervenerint; unde æstimandi canones sunt ex consensu potius cum scripturis, quàm ex negligentium censu. 7. Quàm orthodoxi autem fuerunt hi Patres *Trullani*, & canones ex can. 2. pateat, in quo cum Synodis omnibus præcedaneis, & Patribus quibus, nullus merito litem intendat, manifestum declarant consensum.

7. De *Francofurtensi* Concilio variant auctores an habendum sit Oecumenicum, vel Provinciale. Provinciale voluit esse recentiores; quia imaginibus videtur iniquius; quod Oecumenicum agnoscunt antiquiores ob convocantes *Carolū Magnum* & *Adrianum* 1^m 300 ad minimum Episcopos. 2. Occasionem præbuit huic *Elipardus* Archiepiscopus *Toletanus*, cum *Falice Urgelitano* Aurelianensi Episcopo, qui Christum Dei filium fuisse tantum adoptivum deprædicabant: quod refellit *Aquinas* 3 part. q. 23. art. 4. *Elisit*. 3. istam hæresin præcipuè *Paulinus* in scripto quodam sacro Syllabo coram Imperatore perleto, & à patribus approbato. 4. Confirmasse autem hanc Synodum *Niceni* 2^{di} de imaginibus adorandis sententiam contendit cū *Longo Binius*, & alii; quam sententiam (inquit *Bell.*) optarem esse veram, sed suspicor esse falsam (cui suffragatur *Baronius*) unde concludit quicquid illud Concilium definierit non magni esse faciendum; quia illi sine dubio anteponendum est Concilium *Nicænum* 2. Extant 5. De Synodi hujus gestis libri *Karolini*, quos multis scatere mendaciis asserit ibidem Cardinalis, ideoq; pronuntiat libros istos nec esse *Karoli*, neq; ejusmodi quibus ulla fides haberi potest; sed esse, tanquam

alter *Melchisedech*, sine patre, sine matre, sine genealogia; Anonymus erumpens in lucem, quæ certa fraudis sunt indicia. 6. Constat tamen *Adrianum* Papam hunc refutasse; sed non addit ut *Karoli* scriptum, verum ut librum hæreticum à *Karolo* ad Pontificem misso ut ipsi responderet. 7. Extat liber iste *Adriani* in Tom. 3. Conciliorum; atqui hęc actis aut decretis huius Concilii plenioribus, ut lucem aspicerent, non contigit.

A.D. 1414.

8. *Constantiense* Concilium, majore cum molimine, sub *Sigismundo* & *Johanne* 23, mille circiter Episcopos & Doctores ad Papalia tollendam schismata ex toto occidente concitavit. 2. Siquidem post *Gregorium* XI, qui reduxit ab *Avinione* (ubi per annos 70 hælisset) Papalem curiam: Quidam Cardinales *Urbanum* 6^m, qui sedebat *Rome*, alii *Clementem* 6^m, qui concessit rursus *Avinionem*, in Papalem sublimant cathedram; in partes abeunt nationes, Angli nostri cum *Gallis* & *Hispanis* *Clementi* adhærere. mortuo *Urano* *Rome* sufficitur illi *Bonifacius* 9. Isti vero *Angelus* quidam coriarius *Venetis* sub titulo *Gregorii* 12. Nec *Clementi* sublato defuit successor *Petrus* de *Luna* *Hispanus* sub nomine *Benedicti* 13. Ad hoc 3. incendium extinguendum concurrant *Pisis* Cardinales, & Episcopi, & schismaticis istis exauctoratis, *Cretensem* quendam *Alexandri* 5 insignitum titulo ad Papalem evexerunt apicem; sed citò ægrotabat hic *Cretensis* *Petrus Philaretus* ex toxicato (ut ferunt) clysterio: & *Johannes* 23 ex electione *Pisanorum* Cardinalium cathedram illius possedit: qui, urgente *Sigismundo*, *Constantiense* hoc Concilium coegit, illique interfuit. 4. In quo criminibus plus minus 60 oneratus respondet se Synodi censuræ submittere, à qua tamen postea, mutata sententia, nocte aufugit, & retratus deponitur; & *Martinus* 5 per Concilium ad Papalem dignitatem exaltatur: unde illud *Johanni* accidit, quod, decidens de curru ante portam civitatis, prælagiebat, hic jaceo (exclamans) in nomine omnium diabolorum. 5. Circumferuntur huius Concilii sessiones 45. dam-

damnantur in eo *Johannis Wiclevi* articuli 45, cujus ca-
daver insuper designatur è sepulchro extrahendum, & in
cineres redigendum: Illud quod ipsi ascribitur, art. 6.
[Deus debet obedire diabolo, aliàs legitur Deus dedit]
ut habet *Bernardus Lutzenburgensis*. 6. De *Johannis Hussi*, &
Hieronymi Pragensis (contra saluum Imperatoris condu-
ctum) injuriis & vivicomburiis proluxa sunt tragœdiæ.
decernunt Patres Concilium esse supra Papam, quod mo-
dèrni non concoquunt Papicolæ; & fidem hæretico da-
tam non servandam; quod hodie non defendunt, quo la-
tentis exerceant perfidiam incendiarii: stupendum est
autem illud Sessione 13 decretum de calice laicis ne-
gando, non obstante Salvatoris institutus & Apostolorum
praxi. Hinc nobiles *Bohemi* irritati, in Epistola qua-
dam 54. munita sigillis, heroicè profitentur mentiri illos
in caput suum, qui hæreses illis (utpote *Hussis*) obji-
ciunt, parati legem Christi, postergatis (ut loquuntur)
humanis in contrarium statutis, sanguine suo tueri. & de
Hieronymi Pragensis admiranda eruditione, & eloquentia
testis est *Poggius Florentinus*: quod peculiari tractatu de-
lineabat. 7. Comitabantur hoc Concilium (ut habet
quidam) mulieres publicæ 450, Barbitonfores 600, jo-
culatores 320. &c. sed boni inquit propter raritatem
inenarrabiles. qui tamen omnes sine salvo conductu à
vivicomburiis, vel aliis censuris fuerunt immunes.

*Salomon Ges-
nerius.*

9. *Basileense* Concilium post annos circiter 16, pro A.D. 1431.
movente *Sigismundo* Imperatore à *Martino* 5º, & postea ab
Eugenio 4º indicitur: præsidebat in eo *Julianus* Cardinalis
Arelatenfis, & per ann. fere 18. erat continuatum. 2. Ses-
siones numerat 45; in quibus non Episcopi tantum sed
alii viri docti (quod in præcedentibus non erat permissum)
Conciliis; decilivam obtinuerunt sententiam. de numero
suffragantium non constat. 3. In eo *Eugenius* 4. Papa ci-
tatur, & non comparens, propter contumaciam deponi-
tur: & *Amadeus* Dux *Subaudiæ*, qui in montibus *Ripaliæ*
eremiticam agebat vitam, sub titulo *Falsis* 5. à Cardina-

libus ad Papalem sublimitatem evehitur : constitutis his tribus veritatibus 1. Quod Concilium sit supra Papam, & quemlibet alterum. 2. Quod Papa illud legitime congregatum non potest dissolvere, prorogare, aut transferre. 3. Quodq; ista qui negat sit hæreticus. 4. Eugenius nihilominus, hisce insuper habitis, *Ferrarie* erigit Anti-Synodum; quam postea *Florentiam* transtulit, ubi cùm Græcis transegit, præsentem Imperatorem, & multa præstitit alia quæ supra in Concilio *Florentino* perstringuntur. 5. Confirmant interim *Basileenses* pragmaticam sanctionem, annatas damnant, concubenarios sufflaminant, quomodo *Judei* sint ad Christianismum instituendi præcipiunt, immunitatem B. Virginis à cujusvis peccati labe denunciant, *Ephemis* laicis calicis usum in Eucharistia indulgent. Ecce altare contra altare, pares aquilas, & pilam inantiam pilis. 6. Propter grassantem demùm pestem recipiunt se *Basileenses* *Lausannam*; ubi persuadet *Fridericus* Imperat. Duci *Amadeo*, ut felicitatem *Felicio* Papæ exueret: quod pacis studio libenter ab eo est factum, sic reconciliatus *Eugenius*, honoratus *Amadeus* galero Cardinalitib; & dignitate Legantina, finitum Concilium. 7. Hujus nil ratum & probatum est, præter dispositiones quasdam circa beneficia Ecclesiastica, asserit *Bellarminus*. Ut schismaticum & seditiosum damnat in Concilii *Lateranensis* Sess. 11. *Leo* x. utcunq; à *Nicholao*, & *Eugenio* legimus fuisse aliquoties probatum: præsertim ante mortem *Sigismundi* Imperatoris. Illud copiosè describit & laudavit *Æneas Sylvius*, qui interfuit, & postea sub titulo *Pii* 2^{di} pontificatum obtinuit: sed mutata cum dignitate sententia. Planius & planius ista refert in martyrologio noster *Foxus*, & Bibliotheca *Bodleiana Oxoniensis* ostendit indubitatum hujus Concilii autographon.

Q U Æ S T I O N E S.

- An {
1. Synodus 4 Constantinopolitana controversis Conciliis rectè annumeretur?
 2. Sardicensis in Nicænæ I appendix commodè censeatur?
 3. Socinianismus hodiernus de S. S. Triade sit Photinianismus redintegratus?
 4. Synodus Quinque-sexta (sem. Trullana) excussetur meritiò ut erratica?
 5. Francofurtensis Nicæni 2 subvertat dogmata?
 6. Constantiensis & Basileensis legitimæ fuerint Synodi, & generales?
 7. Conveniat inter Papas & Papicolas de general. Concilio-
rum numero, aut autoritate?

CAP.





CAP. VII.

De Conciliis rejectis.

1. **S**ub titulo rejectorum Conciliorum transeant huiusmodi conciliabula, quæ vel dogmata hæretica statumant, vel schismata & turbas, cum Christiani ovilis dissipatione, factiosè excitant.

- | | |
|--------------------------------------|---|
| 2. Quo stigmate notantur præ cæteris | { 1. Antiochenum.
2. Mediolanense.
3. Seleuciense.
4. Ephesinum 2 ^{dum} .
5. Constantinopolitanum.
6. Pisenum 1.
7. Pisenum 2. |
|--------------------------------------|---|

A. D. 340. 3. *Antiochenum* hoc concilium à quinque aliis, quæ recenset *Bellarminus*, est discriminandum: quod & *Longus* repetit, aliâq; Concilia *Antiochena* commemorat. 2. Hoc ad *Constantii*, & *Julii* 1. refertur tempora. Notum est *Athanasii* exilium, & restitutio per *Constantinum* *Constantini Magni* filium: hæc illegitimam fuisse clamabant *Ariani*, quia eadem qua eiectionis restituendus erat auctoritate: causa ad *Julium* Papam delata. Indicit ille *Romæ* Synodum. 3. Istam vero ut eluderent *Eusebiani*, hæreticorum primipili, *Constantium* subducunt facillè ad *Dominici aurei* encenia (hoc est) ad consecrationem Templi magnifici

hæc à Constantino Magno Antiochia extructum, quò confluxerunt, 90 circiter Episcopi, ex quibus 30 Ariani, Imperatoris studio & autoritate, contra duplicata orthodoxorum suffragia, obtinuerunt restitutionis Athanasiani condemnationem. 4. In depositi sedem ab Eusebio Nicomediensi substituitur Eusebius quidam Emissenus, Ariani similis signis hyperaspistes; sed nondum innotuit. Is, ut habet Poeta;

A se Tantalides onus invidiamque renouat.

Occupat igitur cathedram Gregorius Capadocæ, quem alii vocant Georgium, putantes esse Sanctum tantoperè nostris celebratum. Constat siquidem illum è medio fuisse citò sublatum, nec difficile est Arianis tryumphantibus martyrem suum equestri canonizatione honorare. 5. Gratianus & Cæcilianus plurima citant ex hac Synodo tanquam orthodoxa; quo nomine à recentioribus corripuntur. 6. Formulam ediderunt fidei tam veritate & errore intermodiam, ut qui cavet ne decipiatur, vix cavet dum etiam cavet: omissionem enim, quod stabiliret veritatem, enervant quod ponere in se suscipiunt. 7. Canones eius 25, quos apud Longum habeas, cum aliquibus annotatis disciplinam potius receptam, quam dogmata attingunt Ecclesiæ. Vid. Socrat. L. 2. c. 5. Sozomen. lib. 3. cap. 5.

Baron.
Long.

4. Mediolanense eadem arat vitula sub eodem Constantio Imperatore, & Liberio Papa. 2. 300 circiter in eo confluxissent Episcopi, quibus præfuit Imperator ipse, orthodoxorum partibus insensissimus. Ego (inquit Imperator) Athanasii accusator sum, meo nomine illis credite. 3. Catholici, qui interfuerunt, Occidentales (Orientales enim pauci affuerunt) Episcopi se omnia concessuros Ariani spondebant, si Niceni fidei isti priores subscriberent: sed obstiterunt Valens & Ursacius primipili,

F

istius

istius factionis hamaxarii, Imperatoris epistola (quæ in Synodo legebatur) suffulti. 4. Sequuntur sunt deinde Episcoporum degradationes, non salutare Ecclesiasticæ determinationes; sic ut conjurationem potius malignantium, quàm conventum Christianorum illum fuisse diceret. 5. Id egerunt præcipuè, ut Liberium Romanum Episcopum, quàm muneribus, quàm minis in suam perfidiam pellicerent. Qui Imperatori (his posthabitis) exilio illum in Thracia adjudicanti & itineris sumptus offerenti masculè sic respondisse fertur. Tu Ecclesias orbis terræ expilasti & jam mihi ut damnato & egenti offers elemosynam? abi primùm ut Christianus ipse fias. 6. Fœlix Diaconus in Liberii locum susceptus Arianis quidem communicavit; licet fidem Nicænam integrè semper retinuit: quod populo orthodoxo parùm satisfecit. 7. *Hosius Cordubensis*, propè tum temporis centenarius, istius tyrannidis scuticas non evaluit. *Hilarius* Diaconus virgis ad subscriptionem postulatur: alii contumeliis, vinculis, exilio, direptionibus ad consentiendum corripuntur. Nec sub

- A. D. 363. 5. *Seleuciensi* conciliabulo orientali, sub eodem Constantio, cessavit persecutio. 2. Convenissent priùs eo tempore *Arimini* (ut vult *Bellarminus* ex *Hieronymi* chronico) 600 Episcopi, è quibus Orientales heterodoxi ab orthodoxis numero, & argumentis superati, in *Seleucia Isauriæ* hoc conciliabulum ex Imperatoris mandato ferunt. 3. Hic vero inter *Acacianos* & *Semi-Arianos* non convenit: *Acaciani* consubstantialitatem prorsus explodunt; admittunt *Semi-Ariani*, suo sensu, retento tamen fermento, quod totam massam corrumpit. 4. Inter altercandum prævalent *Semi-Ariani*; formulamq; fidei in encœniis *Antiochiæ* constitutam retinendam esse, & subscribendam definiunt: contradicentes sive *Acacianos* sive *Arianos* è suis ejiciunt sedibus. 5. Condemnati se recipiunt ad Imperatorem, impetrantq; ut conventu alio *Constantinopoli* coacto in integrum restituantur. hic novum cudunt symbolum,

symbolum, in quo non modo substantiæ, sed etiam hypostasis, vel subsistentiæ excluderentur termini. 6. Hoc non recipientes *Semi-Ariani* ab *Acacianis* vice versa à suis sedibus exulare coguntur. Interim ut viderentur catholici *Aecium* suæ sectæ condemnant authorem. Ita *Pharisei* & *Sadducei* se invicem impetentes in causa *B. Pauli* propria raptantur vertigine. 7. *Hilarius Pictaviensis* (quem *Sabellianum* prædicant) cum catholicis occidentilibus non patiuntur se *Nicæna* fide, vel latum unguem, abduci. Interponit Imperator non habere vires ulla Concilii alicujus definitionem, cui statuta ipsius robor & copiam denegarent; qui coegit Episcopos tali fidei formulæ ab *Arimino* ad *Constantinopolim* adductæ sic subscribere, ut alia Occidentis, alia Orientis ejusdem Imperatoris jussu obtinuerit fidei professio. Consulantur *Ruffin.* L. 10. c. 31. *Socrat.* L. 2. c. 31. 32. *Athanas.* de Synod. *Baron. An.* 359. n. 61. & sq. *Long.* p. 270. *August.* *Hieron.* *Basil.* apud *Bell.* de Concil. L. 1. c. 6. & alii.

Att. 23. 10.
Apud Hil.
L. 2. p. 44.

Sozomen. c.
35. *Hist. Tri-*
part. L. 5. c.
34.

6. *Ephesino* Concilio 2^{do} causam præbuit *Eutychetis Archimandritæ Constantinopolitani* hæresis; qui post *Manentem*, & *Apollinarem*, carnem Christi nostri non fuisse similem, sed delapsum è cælo *B. Virginis* uterum, tanquam solis radios, penetrasse, adeoque duas in Christo incarnato negavit naturas, sed carnem in divinitatem commutatam esse asserbat. 2. Ob prodigiosa hujusmodi deliria, quibus plurimos dementasset, cum à *Flaviano Constantinopolitano Patriarcha*, *Eusebio Dorilei* Episcopo, aliisque illorum symyktis merito esset condemnatus, tantum abfuit ut resipisceret, ut per *Chrysaphium Eunuchum*, & *Eudoxiam Imperatricem* suis irretitos illecebris, à ductili *Theodosio* 2^{do} obtinuerit, ut illustrius Synodale examen totum negotium subiret. 3. Indicitur igitur hæc *Ephesi* auctoritate Imperatoria; confluunt Episcopi 128, præfidet *Dioscorus Alexandrinus*, citatus *Leo* ab occidente, ne videretur tantum negligi, mittit 3 legatos. 4. In conventu omnium omnia peraguntur ad *Dioscori* nutum,

A. D. 449.

quoniam plenior Eutychianismo quàm arrogantia & tyrannide, orthodoxos audire noluit, Leonis literas & legatos, sicut & *Eusebii Dorilei Eutycheti* impacta crimina ne hili quidem æstimavit. 4. Absolvitur tandem Eutyches; Reclamantes fustibus ad subscriptiones postulantur. *Flavianus* reluctans sic calcibus (ipsius ut quidam asserunt, *Dioscori* inter cæteros) tam furiosè impetitur, ut triduo post animam Deo reddidit. 5. Sedibus exulantur *Ibas Edissenus*, *Eusebius Dorilei*, & *Theodoretus Cyri* cum aliis doctissimis Episcopis. Legati Papales non absq; vitæ summo discrimine ad suos dilabuntur. 6. Qua de feritate plusquam barbarica quæritur coram *Dioscoro*, apud Patres *Chalcedonenses* causam postea agente, Episcopus *Acacius*. Puræ chartæ subscripsimus, compulsi, & violenter, & multa mala perpassi sumus, usq; ad vesperam tenuerunt nos reclamantes in Ecclesia, & ægotantes quiescere non permiserunt, sed milites nobis cum fustibus, & gladiis imposuerunt, & sic nos fecerunt subnotare. 7. Unde *ANSELMUS* hæc, sive prædatoria meritò ab omnibus piis appellatur Synodus; in qua thronum erexit *Sathan*, non multo post in Concilio *Chalcedonensi* celeberrimo frustulatum conaminuendum. *Liberat. in Breviar. c. 12. Evagr. l. 1. c. 9, 10. Niceph. l. 14. cap. 47.*

A. D. 730.
Bell. de Con-
cilio. l. 1. c. 6.

7. Concilium *Constantinopolitanum*, quod rejectis ac- censetur, duplex à nonnullis statuitur: quæ alii in unum constant, sed constat distinctio. Iquia 1^{um} sub *Leone Isauro* Patre An. 730. Secundum per *Constantinum Copronymum* An. 755. dicitur fuisse celebratum. 2. Unum interim oppugnant imaginum & reliquiarum cultum, quo nomine unum, vel unienda saltem habeantur. 3. Primum sub *Leone* Sanctorum intercessionem decernit esse imaginariam, cultumque per imagines meram esse idololatriam. *Germanus Patriarcha Constantinop.* *Johannes Damascenus*, & alii imaginibus nimium propensè dignitati-
bus

bus suis spoliantur. 4. Pro imaginibus intercedit *Gregorius* 3 in Romana Anti-Synodo; qua Orientales sub stigmate hæreticorum iconoclastarum excommunicat. 5. Ista non deterrent filium *Constantinum Copronymum*, quo minus se iconoclastem esse comonstraret; 338 cogit Constantinopoli Episcopos, quibus ipse præest, & imagines non resistentes persequitur. 6. Hanc & 7. Synodum Oecumenicam amplexi sunt nonnulli; sed ita detestati sunt *Romanenses*, ut, ob controversiam hanc imaginariam, rebellarunt in Principes suos legitimos, Imperatores Græcos: unde postea successit occidentalis ab oriente divisio, quæ hostibus Ecclesiæ rupturam nunquam refarciendam præbuit. 7. Hujus (si placeat statuis, & imaginibus) corrigit errores Concilium *Nicænum* 2^m; de quo in præcedentibus: sed quàm nervosè, & theologicè patet ex ipsius decretis. De hisce duabus Synodis vide *Paulum Diaconum* L. 21. 22. rerum Romanarum & *Zonaram* in *Annalibus*.

A. D. 755.

8. Concilium *Pisanum* 1^{um} nescit an inter reprobata vel probata statueret *Bellarminus*: habetur ab aliis Generale, & defenditur triduana disputatione à *Laurentio Rodolpho Florentiæ*, teste *Antonino*, *Gersono*, *Azorio*, aliisque. 2. Interfuerunt ipsi Cardinales 23, Patriarchæ 3, Archiepiscopi, & Episcopi 300, Monasteriorum Præfeti 28, Theologi & legati Principum numero indefinito. 3. Coëgit tot & tales viros illustres in talem confesum non ferendum schisma inter *Benedictum* 12, & *Gregorium* 13, cathedram Papalem tantum non in bicipitem *Parnassum* distrahentes; de quibus in Concilio *Constantiensi* dictum est antea. 4. Utrunque citatum, contumacem, perjurum deponit Concilium; & *Alexandrum* 8 autoritate propria in *Petri* collocant cathedrâ: quod utcumque schisma non sustulit, *Alexander* tamen 5 sic electus in Paparum catalogo recensetur. 5. Hujus Concilii occurrunt sessiones 23, & prostant acta *Luce* excusa cum Christianissimi Regis

A. D. 1409.
Bell. id. Con-
cil. l. i. c. 8.

3. *Parte Tit.*
22. c. 5. §. 2.
c. 3.

Regis privilegio an. 1612. 6. *Antoninus* hoc rejicit, ut conciliabulum acephalum; quia tumultuariò, quasi à Cardinalibus absq; Pontificis autoritate, erat congregatum. Sed 7. Eventibus extraordinariis arripienda sunt remedia; non quæ lex suppeditat, sed quæ ad manum expeditiora: nam quomodo hic caput consuleret, quod laborabat duplici impostemate: admovissent revera cauterium Christiani Principes, Imperator præcipuè; sed quia consenserunt cum Cardinalibus non irrita æstimanda decreta ob annuli Piscatoris defectum.

A.D. 1511. 9. *Pisanum* 2^{um}, sub *Maximiliano* Imperatore, & *Ludovico Gallorum Rege*, contra *Julium* 2^{um} Papam erat coactum. 2. *Julius* is juramento obstrinxisset, se, infra biennium post electionem ad Papatum, Concilium generale esse celebraturum: sed turbis secularibus intervenientibus, politicæ quàm juramenti ratio potior habetur; tergiversatur, differt, expectantes eludit. 3. Sub patrocinio igitur Imperatoris, & Regis *Francia* Cardinales quidam eminentiores *Pisis* conveniunt; Pontificem citant, ad vadimonium & rationem de obijciendis reddendum. 4. Tantum abest ut obsequatur, ut illos omnes unà cum Rege *Galliz* excommunicationis ferit fulmine: Imperator ipse vix evasit; sed remissior factus pro tempore, declinavit incendium. 5. Anti-Synodum Pontifex *Lateranensem* indicit *Rome*; confluunt Cardinales, & Episcopi qui ipsius favebant partibus: apud quos excusat perjurium; purgat se ab objectis, moritur. Succedit *Leo X.*, Concilium cum applausu continuat, plurima sanxit decreta, ut superius in Concilio *Lateranensi* 5^{to} inter Synodos Oecumenicas accipimus. 6. Cardinales *Pisani* cum suis se tandem submitunt, & supplices pristinae dignitati sunt restituti; *Gallus* perstat, custq; pecuniam cum hac inscriptione, *perdam Babylona*. 7. Non (quod sciam) Concilii huius schismatici decreta aliqua extant, rejicitur à Pontificiis, eo præsertim nomine, quod 1. non
indictum

indictum à Pontifice, sed insolenter contra Pontificem *Long. p. 901.*
 à suis subditis. 2. Quod tempus ad comparendam
 Convocatis nimis angustum erat præfixum. 3. Quod
 Civitas Pisana bellis præcedentibus exhausta Concilio
 non erat locus idoneus. 4. Quod à *Lateranensi* subse-
 quente prorsus erat abnegatum, & rejectum; & revera
 Pontifex à suis, *utcumq;* perjurus, & flagitiosus, non erat casti-
 gendus: sed à Domino suo Imperatore, reliquisq; Princi-
 pibus Christianis cogendus in ordinem.

QUÆST.



Q U Æ S T I O N E S.

- An {
1. Concilium Antiochenum, ob defectum tantum convocatio-
nis Papalis, habeatur rejectaneum?
 2. Constantius Imperator in Concilio Mediolanensi Pre-
sidii & accusatoris partes adversus Athanasium jure po-
tuit sustinere?
 3. Statuta cujusvis Concilii absq; confirmatione Imperato-
ria apud suos subditos sint invalida?
 4. Synodus Ephesina 2^{da} merito appelletur anseixh?
 5. Iconoclaste sub Leone & Copronymo heretici rectè ac-
censeantur?
 6. Paparum perfidia idololatrica, in imaginibus asserendis,
Occidentales proditoriè ab Imperatoribus Græcis abalie-
navit?
 7. Synodus Pisana 2^a jure potuit Julium 2^m suum Papam
à Spiritualibus & temporalibus suspendere?

C A P.





CAP. VIII.

De Conciliis nationalibus.

1. **P**recesserunt (quoad indictionem saltem aliquo modo) Concilia generalia : succedunt Nationalia, quæ suo ambitu provinciales cujusvis Metropolitani, & Diocesani cujuslibet Episcopi inter suos limites includunt Synodos.

Istæ cedunt Generalibus. 2. Nec obligant aliquos extra limites præscriptos. 3. Valent tamen apud omnes eorum decreta scripturis conformia, & à Generalibus confirmata.

2. Tribuuntur vero in

{	1. Italica.
	2. Hispanica.
	3. Gallica.
	4. Germanica.
	5. Orientalia.
	6. Africana.
	7. Britannica.

3. De quibus compendii non est minutatim agere; plurima enim ex his, vel frustulati occurrunt apud historicos, absque sessionibus, aut canonibus: aut aliena sunt istorum temporum conditioni accommodata, aut obsoleta abiêre in desuetudinem. Carptim igitur sufficere, quæ nobis usui esse possunt, delibare, indicatis obi-

G

ter

ter diexodicis unde ampliora petantur.

4. In Italia occurrunt 115 tales Synodi quasi nationales, quæ titulis Conciliorum *Romanorum* insigniuntur. 2. Perpendantur ista, quæ multiplicantur per *Victorem* & ceteros de celebratione Paschatis; eaque quæ lapsos pœnitentes, contra *Novatianorum* plusquam Stoicam torvitatem in communionem Ecclesiasticâ receperunt. 3. Sub *Gelasio* illud est libratoris momenti, librorum orthodoxorum, & heterodoxorum index expurgatorius in Synodo 70 Episcoporum confectus, & in jus Canonicum à posteris relatus: ubi plura de legendis infidelium, & idiotarum exterminandis: sed nihil de Suprematu Papali, quod Moderni infarciunt, inveniamus. 4. Non prætereundum est *Simceffanum* illud Concilium difficillimis temporibus à 300 Episcopis celebratum; quo condemnatur *Marcellinus* Papa, quia idolis sacrificasset: nec excusat ab errore, quod hoc metu fecit, & egit postea pœnitentiam: vascant ista apud Deum ut ignoscat, non apud homines ut infallibilem conditionem Papalem agnoscant. 5. Notandum etiam, & venit illud à *Johanne* 23 coactum Concilium ad Imperatorem *Sigismundum* cororandum; ubi impudens bubo, iterato se inauspicato aspectu ingerens, turbavit & dissolvit totum negotium. 6. Synodus *Papiensis* Papam Imperatorem & ipsos excommunicantem masculè vicissim excommunicant; & *Brixinensis* *Gregorium* 7^m, vulgo *Hildebrandum*, Pontificium omnium pugilem ferocissimam, absque scrupulo deturbant è cathedra. 7. In Synodo *Melfitana*, & aliis habentur plurima in disciplina Ecclesiastica observatu dignissima, sepositis nonnullis superstitionis, & ambiosis corruptionem seculi, in quibus erant coacti, nimium redolentibus.

5. *Hispania* exhibet Concilia. 1. *Toletana* 25, in quibus multa piè & prudenter fuerunt decreta; ut in primo assertio ista fidei contra *Priscillianistas* &c. 2. *Elivertinum*, quod 81 can. sancivit salutare: 36us prohibet ne pistorum fiant in Ecclesia. 3. *Casari Augustanum* etiam contra *Priscillianistas*.

A.D. 494.
Long. p. 412.
Dut. 13. c.
Sandra Ro-
mana.

Long. p. 160.
Bell. de Rom.
Pontif. L. 4.
c. 8.

A.D. 1410.

A.D. 1076.
Long. p. 734
Id. p. 732.

Id. 741.

scillianista; in quo præcipitur ne quis Doctoris sibi usurpet titulum, nisi sit legitimè ad illum promotus. 4. *Allerdenſe*, ex quo 4^r canones citat *Gratianus*, quorum unus est, in quadagesima nuptias non esse celebrandas. 5. *Bracorensē* 1^m & 2^m, in quibus non tantum *Manichei*, *Mathematici*, & *Priscillianiste* debito inuruntur stigmate; sed ad *evangelizandam* in Ecclesia conservandam plurima non contemnenda at-textuntur. 6. *Matifconense* 1^m etiam & 2^m Clericorum reformat mores; & de solvendis decimis, & hospitalitate servanda pia quædam inculcant, hoc tempore nimis insuper habita. 7. *Hispalense* contra *Acephalos*, quod improbat prorsus Presbyteri per Presbyteros, & à Chore Episcopis Ecclesiarum consecrationem. Petantur ista copiosius ex *Garsia Louysa* qui studiosè conquirevit, & collegit concilia *Hispanica*. Nec

6. *Gallia* minds ferax conventuum est estimanda. 1. In *Long.* 433. qua è Conciliis 13 *Parisiensibus* unum contra sacrilegos, *Id.* 643. & alterum 3 libris diffusum, Principibus, Episcopis, subditis inculcans salutifera, præcipui sunt momenti. 2. *Arelatenſe* 1^m in causa *Cæciliani* & *Felicii* Episcopi *Apungitani*. 2^m contra *Photinianos*, *Bonofianos*, & de disciplina inter Clericos servanda. 3^m quod *Fausti Rhegiensis* anathematismos, & *Lucidi* exhibent confessionem, præ cæteris sunt expendenda. 3. Septem Concilia *Aurelianensia* de disciplina Ecclesiastica plurima habent non contemnenda. Notandum illud in 1^o de rogationibus, & litanis ante *Id.* 429. ascensionem Domini celebrandis. 4. *Arausiacum* 2^m *Pelagianos* & *Semi-Pelagianos* ex scriptis *Augustini* prorsus transfigit. 5. *Bituricensē* sanctionem pragmaticam adversus Papales obfirmat machinas. 6. *Cabilonense* Sanctuarii privilegia, & Sabbathi reverentiam sacram conservat testam. 7. *Vasense* gloriam Patri, & Kyrie eleyson cum *Id.* 258. Trisagio litanis ascribenda præcipit. Consulatur *Jacob.* 448. *Sermundi Synodorum Gallicanarum* collectio.

7. In *Germania* superiori & inferiori, præter 9 Syno-

dos *Colonienſes*, obſerventur hæc præ cæteris Concilia:
 1. *Auguſtanum* de reformatione Cleri. 2. *Bavaricum* de ſabato, & bonis Eccleſiæ 3. *Wormatienſe* de decore in Eccleſiaſticis obſervando, & facinorolis puniendis. 4. *Moguntinum* 1^m de immunitatibus Eccleſiaſticis. 2^m Contra *Gotteſchalcum*. Et 3^m, in quo præcipiuntur preces pro rege *Arnulpho*, & conjuge, nec non pro ſtatu totius Chriſtianitatis. 5. *Aquiſgravenſe* de ordinibus Eccleſiaſticis. 6. *Erfordienſe* de diebus feſtis. 7. *Dordrechtanum* contra Remonſtrantes, eorūque præceptores, *Serianos*.

8. Sub *Orientalibus* comprehendantur *Græca Europa*, & in vicinio *Aſiana*; cujuſmodi inter Græcos numerantur 1. Concilia *Conſtantinopolitana* 33. 2. Synodus ad quercum, in cauſa *Chryſoſtomi* & *Photii*. 3. *Oriental*e contra *Maſſilianos*, qui ſtrophis ſuis Eccleſiæ imponebant. 4. *Ancyranum* de lapſis recipiendis, & rejiciendis. 5. *Laodicenum* contra *Angelo-latriam* can. 35. & de canone ſcripturæ can. 58. 6. *Gangrenſe* de moribus religioſè formandis. 7. *Tyrium* in quo vexatus, & liberatus magnus ille *Athanaſius*.

9. Sub *Africanorum* Conciliorum titulo Concilia ferè 20 à Summiſtis memorantur; quorum canones, promiſcûe in unum collecti, haud facile à poſteris diſtinguantur. 2. E. *Carthaginiſibus* 15. Sextum inſignioris eſt notæ; quo Pontificum *Romanorum* fraude detegitur, obtrudendo, pro recipiendis appellationibus, canonem *Nicæni* Concilii ſuppoſititium. 3. Quin & 3^a prima, de hæreticorum baptiſmate non probando inter *Cyprianum* & *Stephanum*, oſtendunt non tantam fuiſſe authoritatis inæqualitatem, ut *Africanus* *Romane* cederet plenipotentiæ. 4. Præ cæteris penſitanda occurrit *Milevitan*a Synodus, qua *Pelagianismus* à 60. Episcopis penitus eſt conſoſus. 5. Concilium *Hipponenſe* canones aliarum Synodorum accommodatiores colligit, & contrahit.

6. In

Id. p. 911.
618.689.
699.

Id. 337.

333.
185.
222.
127.Vid. Baron.
an. 394. n. 32.
L. 349.

Long. p. 342.

6. In Concilio Cavernensi, inter Primitianistas & Maximianistas egregia observetur pugna andabatica, quod plerumque contingit cerebrosis quibusvis schismaticis, qui cum ab Ecclesia semel desciverint, inter se non diu conveniunt. Augustinus in Ps. 36.
7. Quo spectat etiam Conciliabulum Begiense, ubi 340 Episcopi à Primitiano Carthaginiensi Episcopo concitati, Maximinum absentem cum suis sequacibus, infra minimorum detrudunt subsellia. Aug. contr. Cresconium L. 3. c. 53. Africa Concilia à Justello congeruntur studiosius, & prostant.

10. Inter Concilia Britannica notentur ista præ cæteris. 1. Wimonienſe tempore Regis Edgari sub Dunſtano, ubi contra sacerdotes uxoratos lignea crux tulic salfragium. unde versus,

Humano more crux præſens edidit ore,
Cœlicus effata, quæ proſpicias hic ſubarata,
Abſit ut hoc fiat, & cætera commemorata.

2. Oxoniense sub Stephano Langton Cantuariensi Archiepiscopo, qui Biblia distinxit in capita, & commentariis illustravit. Ab hoc habemus excommunicationes, & constitutiones 48 de bono Ecclesiæ regimine, quas sparsim suis provincialibus intertexuit Linwoodus: junctim legantur apud Binium, Longum, & alios. 3. Claringdonense sub Hemico 2º, præſidente regis jussu Johanne de Oxonio. In hoc stabiliuntur 16 capitula consuetudinum Anglicorum, referente Math. Paris; quæ Romanensium non fecerunt ad salivam, ut patet ex censuris [damnavit] & [toleravit] singulis à Longo annexis. 4. Concilium sub Edvardo 6º, in quo 39 confessionis Anglicanæ articuli fuerunt conclusi, & confirmati. 5. Synodus sub eodem, ubi liturgiam, quam habemus Anglicanam, à 7 Episcopis, & Doctoribus 4º concinnatam, publico consensu Ecclesiæ stabilitam accipimus: quam (ut & articulos præcedentes) Principes inſequentes Elizabetha, Jacobus, & Carolus: expensam, & ratam commendaverunt.

runt posteris. 6. Synodus Londinensis, in qua 141 constitutiones ad pium, & pacatum spectantes Ecclesie regimen, à convocatis Episcopis aliisque Ecclesie deputatis Regi Jacobo oblata, ipsius regali authoritate debito modo confirmantur. 7. Concilium Perthesse in Scotia, ubi articuli de Eucharistia administranda agrotantibus. 2. De Baptismo privato, si res ita tulerit. 3. De confirmatione. 4. De festis admittendis, & 5. De genuflexione in cœnæ perceptione (ringentibus licet sectariis) ut ritus venerandos, & retinendos probaverunt. Britannica qui reconditiora expetit, celebris antiquitatis mystes D. H. Spelman affatim illi satisfaci-
et. Extatque Synodi Perthesse plenior explicatio & defensio.

QUEST.



Q U Æ S T I O N E S.

- An {
1. Concilia Nationalia magis obligent immediatè illius subditos, quàm generalia remotiora?
 2. Posita Papæ infallibilitate opus sit aliquo concilio, præsertim Italico?
 3. Zosimus, Bonifacius, & Cælestinus fraudulentè canonem Nicæni primi Africanis obtulerint?
 4. S. Augustinus, & alii in Carthaginensi Synodo 62æ dissentientes, exclusi morerentur à communione Romanæ Ecclesiæ?
 5. Synodus Brixienfis jure poterit Papam deponere?
 6. Generalis Concilii decreta à particulari quavis Synodo, sub quovis prætextu, possint abrogari?
 7. Ritibus Ecclesiæ imperandis receptivam, non præceptivam auctoritatem laici tantum obtineant?

CAP.





CAP. IX.

De Colloquiis.

1. **C**olloquia Ecclesiastica fuerint habiti inter Theologos conventus; in quibus nil canonicè determinatur, sed dissentientium opiniones ad examen revocantur, & discutiuntur.

- | | | |
|--------------|---|--|
| | } | 1. Publicæ alicujus authoritatis dispositione. |
| 2. Idque vel | | 2. Privata Doctorum <i>συμπόσεις</i> arbitraria. |

- | | | |
|---|---|-------------------------------|
| 3. Colloquia publica primæ classis fuerunt, vel cum | } | 1. Fratribus dissentientibus. |
| | | 2. Pontificiis. |
| | | 3. Lutheranis. |
| | | 4. Anabaptistis. |
| | | 5. Remonstrantibus. |
| | | 6. Anti-Trinitariis. |
| | | 7. Disciplinariis. |

- | | | |
|--|--|----------------------------------|
| <p>4. Ad fraternas cōponendas lites habebatur colloquium.</p> | <p>1. <i>Marpurgense</i> de tollendo dissidio Eucharistico. <i>Adamus in vit. Germanorum Theolog.</i></p> | <p>1529.</p> |
| | <p>p. 30.</p> | |
| | <p>2. <i>Spirense</i>, in quo nomen protestantium primo est auditum. <i>Alsted. Chron. p. 162.</i></p> | <p>1529.</p> |
| | <p>3. <i>Smalchaldicum</i>, cui intersunt Legati Britanici, cum cæteris, ut fœdus inter reformatos sanciretur. <i>Id.</i></p> | <p>1536.</p> |
| | <p>4. <i>Interimisticum</i>, de pacificatione, in quo Augustæ liber scribitur conciliatorius, qui propter colloquentium scopum bellum excitavit adiaphoristicum, quod expiravit in formula Passavii.</p> | <p>1548.</p> |
| | <p>5. <i>Alienburgerse</i>, inter Lutheranos de justificatione. <i>Adamus p. 613.</i> ut actum postea inter eosdem in colloquio <i>Quedlingburgensi</i> de ubiuitate. <i>Ib. 622.</i></p> | <p>1569.
1583.</p> |
| | <p>6. <i>Torgense</i> de variis religionis articulis. <i>Ib. p. 649.</i> Ut postea in colloquio <i>Bipontino.</i> <i>Ib. 780.</i> & <i>Badensi</i> <i>Ib. 655.</i></p> | <p>1576.
1585.
1589.</p> |
| <p>7. <i>Herizbergense</i> circa librum concordiz. <i>Ib. 750.</i></p> | <p>1578.</p> | |

5. Collo-
quia cūm
Pontificiis
eminentio-
ra circum-
feruntur

1. *Wormatiensis* duo, 1^m A. 1541. *Sleidan.* ad illum an. *Adamus* p. 338. 2^{dum} de variis religionis articulis A. 1557. *Adamus* p. 349.
2. *Ratisbonensis* tria, 1^m An. 1541. 2^m 1546 de variis religionis articulis apud eodē. 3^m De Judice controversiarum A. 1601. quod plenè extat à pluribus vel probatum, vel exagitatū.
3. *Posiacenū*, An. 1561 de Ecclesiasticis negotiis variis. *Sleidanus. Adamus.*
4. *Sangermananū*, eodem anno de rebus ejusdem. *Adamus.*
5. *Mompelgardense*, de cæna & persona Christi A. 1586 ubi *Beza* actor primipilus. prostat integrè.
6. *Oxonienſe*, in quo *Cràmerus* Archiepiscopus *Canuariensis*, *Latimerus* *Vigornienſis* Episcopus, & *Ridley* *Londinenſis*, pugiles veritatis infracti, martyrio comburenti sunt affecti. *For Martyrolog.*
7. *Londinenſe* 1^m tempore *Reginæ Mariæ*, in quo *Joh. Philpot* egregiè suas partes egit. 2^m in principio regni *Elizabethæ*, ubi *Papicolæ* ad congressum (ut filii *Ephraim* armati) vocati, tantum non ridicule sese dederunt. *Id.*

6. Inter Calviniano seu Zwinglianos (ut loquuntur) & Lutheranos extat colloquium 1. Maulbrunense de cœna Domini, & Christi majestate. 2. Wittenbergense inter Urbanum Pierium, Hunnium & alios Lutheranos. 3. Francofurtense procurante Casimiro Palatino. Alsted. 1561. 1593. 1577.

7. Colloquia cum Anabaptistis fanaticis, phreneticis, enthyasiastis referuntur ista *****

8. Cum Remonstrantibus, instar omnium, est illud colloquium Hagienſe; à diversis editum diversimode; cui prodroma fuit inter Amesium & Grevinchovium contestatio.

9. Anti-Trinitarios respiciunt colloquia 1. Genevensæ Calvini cum Serveto *****

10. Colloquia privata his possunt adjici 1. Vindobonense, inter Strigelium & Illyricum de libero arbitrio Adamus p. 474. 2. Argemoratense, inter Illyricum & Jacobum Andrea de peccato originis. 3. Swabacense, inter Pareium, & Melhusium, aliosque Jesuitas. 4. Fontbellaqueense, inter Peronium & Du Plessis. 5. Parisiense, inter Du Moulin & Guntier. 6. Fulconis, Hammeri, Cbarci, cum Campiano Jesuita. 7. Rainoldi cum Harro multiplici referum eruditione; quibus cætera, quæ occurrant in eodem genere, à studioso possunt adjici.

Gloria Patri & Filio & S.S.



In Syntagma Scholasticæ
Theologiæ Index
Mnemonicus.

PROOEMIUM.

De Theologia Scholastica ingenere. pag. 1.

Index Capitum.

- | | | | | |
|----|-------|---|----|-----------------------------|
| De | Sect. | $\left. \begin{array}{l} 1^{ma} \\ 2^{da} \end{array} \right\}$ | De | 1. DEO. pag. 4. |
| | | | | 2. OPERIBUS IPSIUS. pag. 7. |
| | | | | 3. PECCATO. pag. 11. |
| | | | | 4. REDEMPTIONE, in quo |
| | | | | LEGE. p. 15. |
| | | | | SALVATORE. 20. |
| | | | | 5. GRATIA. pag. 23. |
| | | | | 6. SACRAMENTIS. pag. 27. |
| | | | | 7. NOVISSIMIS. pag. 32. |

INDEX



INDEX CAPITUM IN Synopsis Conciliorum.

- | | | |
|-----------------|---|---|
| De
CONCILIIS | { | <ol style="list-style-type: none"> 1. De SYNODIS in genere. pag. 1. 2. JUDAICIS. pag. 4. 3. APOSTOLICIS. pag. 8. 4. OECUMENICIS GRÆCIS. pag. 11. 5. OECUMENICIS LATINIS. pag. 20. 6. CONTROVERSIS. pag. 29. 7. REJECTIS. pag. 38. 8. NATIONALIBUS. pag. 47. |
| | | 9. De COLLOQUIIS. pag. 54. |

Syllabus Conciliorum.

CAP. 2.

De Conciliis Judaicis.

Talia fuere,
Conventus

- | | | | |
|---|--|---|-------------------------------|
| { | <ol style="list-style-type: none"> 1. Sichemiticus 2. Hierosolymitanus 1^{us} 3. Carmelitanus. 4. Hierosolymitanus 2^{us} 5. Hierosolymitanus 3^{ius} 6. Hierosolymitanus 4^{us} 7. Synodus, quæ dicitur Sapientum. | } | <p>pag. 5.</p> <p>pag. 6.</p> |
|---|--|---|-------------------------------|

Index Capitulorum

CAP. 3. De Conciliis Apostolicis.

Hæc Concilia vulgo notantur

1. De Surrogatione Matthiæ in locum Judæ proditoris.
2. De electione septem Diaconorum.
3. De lege ceremoniali non urgenda.
4. De toleratione legalium ad tempus.
5. In quo Symbolum quod dicitur Apostolicum, mutuis Apostolorum operibus fertur esse constitutum.
6. Quod obtrusit Ecclesiæ Canones 85 incertæ fidei, sub Apostolorum auctoritate.
7. Antiochenum.

CAP. 4. De Conciliis Oecumenicis Græcis, five Orientalibus.

Horum insigniora fuere

1. Nicenum 1^m pag. 12.
2. Constantinopolitanum 1^m
3. Ephesinum 1^m
4. Chalcedonense. pag. 14.
5. Constantinopolitanum 2^{dum} pag. 15.
6. Constantinopolitanum 3^{ium} pag. 16.
7. Nicenum 2^{dum} pag. 17.

CAP. 5. De Conciliis Oecumenicis Latinis, five Occidentalibus.

Hæc Græcis statuuntur parallela

1. Ariminense. pag. 20.
2. Laterana 4^r. pag. 21, & 22.
3. Lugdunensis 2^o. pag. 23, & 24.
4. Viennense. pag. 24.
5. Florentinum. pag. 25.
6. Lateranense 5^{um}
7. Tridentinum.

CAP.

In Synopsin Conciliorum.

CAP. 6. De Conciliis controversis.

- Cujusmodi
habeantur
- 1. Constantinopolitanum 4^{um} pag. 29.
 - 2. Sardicense. pag. 30.
 - 3. Syrmirense sive Syrmienſe. pag. 31.
 - 4. Quiniſextum. pag. 32.
 - 5. Francofurtense. pag. 33.
 - 6. Conſtantiense. pag. 34.
 - 7. Baſileenſe. pag. 35.

CAP. 7. De Conciliis rejectis.

- Hoc ſtigmate
notantur præ
cæteris
- 1. Antiochenum. pag. 38.
 - 2. Mediolanenſe. pag. 39.
 - 3. Seleuciense. pag. 40.
 - 4. Ephesiſinum 2^{dum}. pag. 41.
 - 5. Constantinopolitanum 2^o. pag. 42.
 - 6. Piſanum 1^{um}. pag. 43.
 - 7. Piſanum 2^{dum}. pag. 44.

CAP. 8. De Conciliis nationalibus.

- Hæc di
ſtribuan
tur in
- 1. Italica. } pag. 48.
 - 2. Hispanica. }
 - 3. Gallica. } pag. 49.
 - 4. Germanica. }
 - 5. Orientalia. } pag. 50.
 - 6. Africana. }
 - 7. Britannica. pag. 51.

CAP.

Index Capitulum

De Colloquiis.

Colloquia Ecclesiastica fuerunt conventus
inter Theologos habiti vel,1. Publicæ
authorita-
tis disposi-
tione, cujus
classis ista
fuere cum2. Privata Doctorum
disceptatione ar-
bitraria, quibus
adjici possunt

- | | | |
|--|--------------------|------------|
| 1. Fratribus dissen-
sientibus, ad li-
tes istorum
componendas,
viz. | 1. Marpurgense. | } pag. 55. |
| | 2. Spirense. | |
| | 3. Smalchaldicum | |
| | 4. Interimisticum. | |
| | 5. Alienburgense | |
| | 6. Torgense. | |
| | 7. Herizbergense. | |

- | | | |
|--|---------------------------------|------------|
| 2. Pontificiis
quorum
eminen-
tiora fe-
runtur | 1. Wormatiensia 2 ^o | } pag. 56. |
| | 2. Ratisbonensia 3 ^a | |
| | 3. Passracenum. | |
| | 4. Sangermananum. | |
| | 5. Mompelgardense. | |
| | 6. Oxoniense. | |
| | 7. Londinense. | |

- | | | |
|---|--------------------|------------|
| 3. Lutheranis, Cal-
vinianis, Zwin-
glianis; Inter sese | 1. Maulbrunense. | } pag. 57. |
| | 2. Wittenbergense. | |
| | 3. Francofurtense. | |

4. Anabaptistis **** ibid.

5. Remonstrantibus, instar horum omnium est
illud Hagienſe **** ibid.6. Anti-Trinitarij, huc referend. 1 Genevenſe **
ibid.

7. Disciplinariis.

- | | | |
|--|--|------------|
| 2. Privata Doctorum
disceptatione ar-
bitraria, quibus
adjici possunt | 1. Vinariense | } pag. 57. |
| | 2. Argentoratense. | |
| | 3. Swabacense. | |
| | 4. Fontbellaqueense. | |
| | 5. Parisiense. | |
| | 6. Fulconis, Hammeri &c.
cū Campanio Jesuita. | |
| | 7. Rainoldi cum Harro ** | |

